



中国国家图书馆  
NATIONAL LIBRARY OF CHINA

新刊古今歲時雜詠卷第三十六

今詩

重陽上

九日次定國韻

東坡

朝菌無晦朔  
 蟪蛄疑春秋  
 南柯已一世  
 我眠未轉頭  
 仙人視吾曹  
 何異蜂蠆稠  
 不知蠻觸氏  
 自有兩國憂  
 我觀去來今  
 未始一念留  
 奔馳竟何得  
 而起無窮羞  
 王郎誤涉世  
 屢獻久不酬  
 黃金散行樂  
 清詩出窮愁  
 俛仰四十年  
 始知此生浮  
 軒裳陳道路  
 徃徃兒童收  
 封侯起大第  
 或是君家驕  
 似聞負販人  
 中有第一流  
 炯然徑寸珠  
 藏此百結裘  
 意行無車馬  
 倏忽略九州



中国国家图书馆  
 NATIONAL LIBRARY OF CHINA

邂逅獨見之天與非人謀笑我方醉夢衣冠戲沐猴  
力盡病騏驥技窮老伶優此山有靈根寸田自可耰  
會當無何鄉同作逍遙遊歸來城郭是空有壘丘

九日黃樓作

去年重陽不可說南城夜半千花發水穿城下作雷  
鳴泥滿城頭飛雨滑黃花白酒無人問日暮歸來洗  
靴鞵豈知還復有今年把盞對花容一呷莫嫌酒薄  
紅粉陋終勝泥中千柄鋪黃樓新成壁未乾青荷已  
落霜初殺朝來白露如細雨南山不見千尋刹樓前  
便作海茫茫樓下空聞櫓鴉軋薄寒中人老可畏熱  
酒澆腸氣先壓烟銷日出見漁村遠水鱗山巖

詩人猛士雜龍虎坐客三十餘人皆知名之士楚舞吳歌亂鵝鴨一盃相  
屬君勿辭此境何殊泛清雲

丙子重九

窮塗不擇友過眼如亂雲餘子誰復數坐閱兩使君  
共飲去年堂俯看秋水紋此水與此人相追兩泫泫  
老去各休息造物嗟良勤佳哉此令節不惜與子分  
何以娛我客游魚在清渚水師三百指鐵網欲掩羣  
獲多雖一快買放尤可欣此樂真不朽明年我歸耘

九日

三年瘴海上越嶠真我家登山作重九蠻菊秋未花  
惟有黃茆浪堆龍生坳罨酒孽衆毒酸甜如梨查



何以侑一樽隣翁餽毒虵亦復強取醉歡謠雜悲嗟  
今年吁惡歲僵仆如亂麻此會我雖健狂風卷朝霞  
使我如霜月孤光挂天涯西湖不欲往暮樹號寒鴉

九日湖上尋周李二君不見君亦見尋  
於湖上以詩見寄明日乃次其韻

湖上野芙蓉含思愁脉脉娟然如靜女不肯傍阡陌  
詩人香未來媚艷冷難定君行逐鷗鷺出處浩莫策  
葦間聞欸音雲表已飛屐使我終日尋逢夜不敢摘  
人生如朝露要作百年客喟彼終歲勞幸茲一日澤  
願言竟不遂人事多乖隔悟此知有命沉幽傷魂魄

和陶淵明九日閑居并序

明日重九雨甚展轉不能寐起索酒和淵明一篇醉  
熟昏然殆不能佳也

九日獨何日欣然愜平生四時靡不佳樂此古所名  
龍山憶孟子栗里懷淵明鮮鮮霜菊艷溜溜糟牀聲  
閑居知今節樂事滿餘齡登高望雲海醉覓三山傾  
長歌振履商起舞帶素榮坎軻識天意淹留見人情  
但願飽秔社年年樂秋成

和陶淵明己酉歲九月九日并序

十月初吉菊始開乃與客作重九因次韻淵明己酉  
歲九月九日一首胡廣飲菊潭水而壽然李固傳贊  
云其視胡廣趙戒猶糞土也

今日我重陽誰謂秋冬交黃花與我期草中實後凋  
香餘白露乾色映青松高悵望南陽野古潭霏慶霄  
伯始直糞土平生夏畦勞飲此亦何益內熱中自焦  
持我萬家春一酌五柳陶夕英嗥可掇繼此木蘭朝  
九日尋臻閣梨遂泛小舟至勤師院二首  
白髮常嫌歲月侵病眸兼怕酒盃深南屏老宿閑相  
過東閣郎君懶重尋試碾露芽烹白雪休拈霜葉嚼  
黃金扁舟又載平湖去欲訪孤山友遁林  
湖上清山翠作堆葱葱鬱鬱氣佳哉笙歌叢裏抽身  
出雲水光中洗眼來白足赤鬚迎我笑拒霜黃菊為  
誰開明年桑苧煎茶處憶著襄公首重回皎然有重九日與陸羽煎

茶詩羽翁自  
稱桑苧翁

王翬屢約重九見訪既而不至以詩送將  
官梁交且見寄次韻答之交頗文雅不類武人家有侍者甚惠靈  
知君月下見傾城破恨懸知酒有兵老守無何惟日  
飲將軍競病自詩鳴花枝不共秋欹帽筆陣空來夜  
斫營愛惜微官將底用他年只好寫銘旌

九日邀仲屯田為大水所隔以詩見寄  
次其韻

無復龍山對孟嘉西來河伯意雄夸霜風可使吹黃  
帽舟人黃土勝水也樽酒那能泛浪花謾遣鯉魚傳尺素却將  
燕石報瓊華何時得見悲秋老醉裏題詩字半斜

明日重九亦以病不赴述古會再用前韻  
月入秋帷病枕涼霜飛夜簾故衾香可憐吹帽狂司  
馬空對親春老孟光不作雍容傾坐上翻成骯髒倚  
門旁人間此會論今古細看茱萸感歎長

次韻王廷老和張十七九日見寄

霜葉投空雀啁籬上樓筋力強扶持對花把酒未甘  
老膏面染鬢聊自欺無事亦知君好飲多才終恐世  
相縻請看平日銜盃口會有金椎為控頤

再次韻

干戈萬槩擁篲籬九日清樽豈復持是日南都勅使按兵官事無  
窮何日了菊花有信不吾欺逍遙瓊館真堪羨取次

塵纓未可縻迨此暇時須痛飲他年長劍拄君頤

次韻蘇伯固主簿重九

雲間朱袖拂雲和知是長松挂女蘿髻重不嫌黃菊  
滿手香新喜綠橙槎墨翻衫袖吾方醉紙落雲煙子  
患多只有黃雞與白髮玲瓏應識使君歌

九日袁公濟有詩次其韻

古來靜治得清閑我責真長地一班舉酒東榮挹東  
海回鑄落日見湖山平生傾蓋悲歡裏早晚收身簿  
領間笑指西南是歸路倦飛羽翼久知還

九日次韻定國

我醉歌時君罷休已教從事向青州鬢霜饒我三千



尺詩律輸君一百籌。聞道郎君閉東閣，且容老子上南樓。相逢不用空歸去，明日黃花蝶也愁。

次韻定國九日詩

東坡在彭門與定國為九日黃樓之會，今復以是日相遇于宋凡十五年矣。憂樂出處有不可勝言者，而定國學道有得，百念灰冷，而顏益壯，顧予衰病，心形俱瘁，感之作詩。

菊盞茱囊自古傳，長房寧復是臞仙。應從漢武橫汾日，數到劉公戲馬年。對玉山人雖老矣，見恒河性故依然。王郎九日詩千首，今賦黃樓第二篇。

壬寅重九不預會，獨遊普門寺僧閣，有懷舍弟。

花開酒美盡不醉，來看南山冷翠微。憶弟淚如雲不散，望鄉心與鴈南飛。明年縱健人應老，昨日追歡意已遲。不向秋風強吹帽，北人不笑楚人譏。

和晁同年九日見寄

仰看鸞鵠刺天飛，富貴功名老不思。病馬已無千里志，騷人長負一秋悲。古來重九皆如此，別後西湖付與誰。遣子窮愁天有意，吳中山水要清詩。

和述古舍人九日登高二首

雙蓮高卧止淒涼，應檢雲編閱舊香。桃葉樽前生悵



望菊花籬下減精光  
雲山入眼屏千疊  
翠木分庭幄  
兩傍得酒且歡君  
強起雲霄歸去路  
歧長  
山頭高會喜初涼  
翠石排衙來徑香  
原憲杖藜空有  
病陶生漉酒且和光  
江潮帶月來雲外  
天籟和琴塵  
耳傍小妓不知君  
倦起歌眉猶作遠山長

九日舟中望有美堂上魯少卿飲處以詩戲之二首

指點雲間數點紅  
笙歌正擁紫髯翁  
誰知愛酒龍山  
客却在漁舟一葉中  
西閣珠簾卷落暉  
水沉煙斷佩聲微  
遙知通德淒涼甚  
擁髻無言怨未歸

次韻定國九日同送莘老 黃門

頭上黃花記別時  
樽中綠酒慰清悲  
畫船牽挽故不  
發紅粉留連可便離  
小雨無端添別淚  
遙山有意助  
頻眉十分酒盞從教勸  
堆案文書自此辭

次韻厚之九日寄仇池定國

無限黃花簇短籬  
濁醪霜蟹正堪持  
坐曹更任誇勤  
瘁割肉何妨誚  
詆欺世外樽壘終自放  
俗間簿領漫  
相縻茱萸插遍知人少  
談笑須君一解頤

戲用厚之九日韻寄定國

白馬貂裘錦幕籬  
離觴瀲灩手親持  
頭風欲待歌詞  
愈肺病甘從酒力欺  
不分歸心太忽草  
更怜人事苦





縈縻相逢借問空長歎便舍靈龜看朵頤

次韻公擇九日見約以疾不至

他年逢九日杯酒遂英豪漸老經秋病獨醒何處高  
床頭添藥裹坐上減牛毛寂寞知誰問煩公置濁醪

同韻和元明兄知命弟九日相憶

黃魯直

草囊南渡傳詩句摹寫相思意象真九日黃花傾壽  
酒幾回青眼望歸程蚤為學問文章悞晚作東西南  
北人安得田園可溫飽長拋箬笠裹封巾  
萬水千山厭問津芭蕉林裏自觀身却田雞黍留熊  
也風雨閑河走阿秦鴻鴈池邊照雙影鶴鶴原上憶

三人年年獻壽須歡喜白髮黃花映角巾

孫不愚索飲九日酒已盡戲答一篇

滿眼黃花慰素貧可憐風物逐時新  
范丹出後塵生金郭泰歸來雨墊巾  
偶有清尊供壽母遂無餘瀝及  
他人年豐酒價應須賤為子明年作好春

九日對菊有懷粹老在河上

四首後二首為  
琵琶女奴作

月邀基約屢登臺學省公廳只對街九日菊花孤痛  
飲百端人事可安排

黃花節晚猶可惜青眼故人殊未來金藥飛觴無計  
共香鈿滿地始應回

憶得舊時重九日紫萸黃菊壓金釵  
寒花有意催垂



淚喜鵲無端屢下堦  
碧窓閑殺春風手古柳堤灣幾日迴縱有黃花堪對  
酒應無紅袖與博杯

和河陽王宣徽九日平嵩閣宴集拱辰字君貺

温公

九日英僚集千秋勝賞同飛橋貫河渚危閣壓霜風  
金散黃花泛雷驚疊鼓通百尋高鳥外萬里寸眸中  
檻底臨丹葉盃中倒碧嵩來雲任拂座去鴈遠沉空  
吹帽陪遊阻搖旌結想叢風流免湮滅鄒湛倚羊公  
和留守相公九月八日與潞公宴趙令  
園有懷去年與景仁秉國遊賞

今歲台星聚洛中甘棠前後雨陰濃英辭唱和詩千  
首高宴遊陪祿萬鍾木末霜繁花未落雲間字小鴈  
相從西湖在望親朋遠節物那堪處處逢

和王少卿十日與留臺國子監崇福宮  
諸官赴正尹賞菊

儒衣武弁聚華軒盡是西都冷落官莫歎黃花過佳  
節且將素髮共清歡紅牙板急歌喉咽白玉舟橫酒  
量寬青眼王公情不薄一如省闥要人看

和明叔九日

不奈衰鬢白羞看朝鑑明聊憑佳節酒強作少年情  
雨冷弊裘薄風高醉帽傾如何不行樂况復值秋成

九日懷聶之美 二首

錢塘江裏扁舟上，別後籬花幾度黃。  
憂患縈心何繚繞，風光滿目盡淒涼。  
誰同鑿落孟中酒，獨繫茱萸肘後囊。  
可復無書道情素，雲間空有鴈南翔。  
太室橫山澈千里，相思空復上高臺。  
瓮頭白酒行當熟，籬下黃花稍復開。  
陶令不無同醉興，孟君况有解嘲才。  
欲憑西北高風勢，飛度輾轅勸一盃。

重九日憶菊

節物都何晚，佳辰容易過。  
黃花不足念，當奈酒盃何。

九日登麻蘭坂

客路逢佳節，無歡更益愁。  
前山造雲日，登陟不因遊。

九日二首

王介甫

九日無歡可得追，飄然適意歷山陂。  
將陵西曲風煙慘，也有黃花一兩枝。  
北山潮氣淡，高秋欲往愁沾獨。  
少留散策沁岡初見日，興隨雲盡復中休。

九日次韻

南朝九日壽安孫陵曲街秀去吾園尺數百步

孫陵西曲岸，烏紗知汝淒涼正。  
憚家人世豈能無聚散，亦逢佳節且吹花。

答仲源太傅八日遺酒

梅聖俞

陶潛九月九無酒，望白衣何言先一日。  
雙榼忽我歸，借問遺酒誰天宗。  
分日暉明當酌大斗黃，菊羔醅肥。



李賀諸王孫作詩字欲飛聞多錦囊句將報慙才微

九日擷芳園會呈晏相公

九日始見菊雖見未全開猶勝昔無酒持望白衣來  
破類浮金英雜蟻已盈盃何必採丹萸結佩上高臺  
自不愧佳節安聽飛鴻哀

九日陪京東馬殿院會疊嶂樓

誰言天去遠山上有樓臺峯色引谿色共入茱萸盃  
行當登太山雲掃日月開栢鳥與城烏兩處休鳴哀

九日永叔長文原甫景仁隣幾持國過飲

秋堂雨更靜佳菊粲粲芳置酒延羣公掇英浮新黃  
心猶慕淵明歸來醉紫桑莫問車馬之去跡亂康莊

八日就湖上會飲呈晏相公

明當是重九黃菊還開不先將掇其英秋運未能有  
頽齡無以制但不負此酒紅頰誰使歌公吟牛馬走

九日次壽州

昔人把菊望青楹今我持酒無黃花自催屋裏紅鱗  
膾不彈墻頭白項鴉壽春城高枕淮水綠蒲疎暮  
帆起登臨不學孟叅軍帽墜止風費嘲紙

依韻和楊直講九日有感

也持黃菊藥時望白衣人首宿從來厭茱萸却乍親  
護霜雲不散吹帽客何貧莫要悲搖落秋花更勝春

次韻李晉裕教授九日見贈

張文潛

滿酌聊酬菊藥黃登高仍在泰山陽  
笑談嘉節賓朋集樽酒清驩興味長  
倦客得閑惟欲飲老人雖醉不成狂  
先生莫歎齏鹽久行見高才穎出囊

九日懷道孚

吾甥頗似魏家舒新罷推囚却著書  
顧我獨傾陶令酒思君同餽季鷹鱸  
蒼茫雲物秋將晚寂寞山城誰與娛  
倏忽風光行老矣躊躇不去獨何歎

和彥昭九日西湖會飲

故人憐寂寞九日共登臨  
天地客行遠山河秋已深  
狂來能醉舞興罷獨悲吟  
莫怪淒涼甚多憂損壯心

九月十日園菊爛開書絕句

蕭條故國風飛葉却有黃花照眼明  
已過重陽慵采擷自嫌亦作世人情

九月九日夜雨留智叔 陳無已

騎臺九日登臨處只有歸人醉扶路  
千年二謝孰可代我每苦留君只去  
花粗且為前人惜曲誤不解丞卿怒  
只消著帽受西風不待風流到新句

九日與智叔鵬堂宴集夜歸

鵬堂從昔有惡客盡酒不去仍復索  
欲留歌舞盡客意風雨和更作三厄  
佳辰難得客更難我窮無酒為君歡  
只欲泥行過白下萬一簾疎見一班



九日寄秦觀

疾風回雨水明霞沙步叢祠欲莫鷄九日清樽欺白  
髮十年為客負黃花登高懷遠心如在向老逢辰意  
有加淮海少年天下士獨能無地落烏紗

次韻李節推九日登南山

平林廣野騎臺荒山寺鳴鐘報夕陽人事自生今日  
意寒花只作去年香巾歌更覓霜侵髮語妙何妨石  
作腸落木無邊江不盡此身此日更須忙

九日不出魏衍見過

九日登臨迫閉藏老懷無限自淒涼山頭落帽風流  
絕壁面稱詩語笑香南山有二衝雨肯來尋此老拂床

謝詩石

聊待熟黃梁獨無樽酒為君壽正使秋花未肯黃是日無菊

九月九日魏衍見過

節裏能相過談間可解憂致踈君未肯得此我何由  
語到君房妙詩同客子游一經從白首萬里有封侯

懷安官舍病起九日作

蘇元老

籬菊今年拆最繁繞叢新折上雕盤病知嘉節霜風  
冷喜對高堂骨肉懽久廢笑歌慵飲酒只聞兒女勸  
加飡如何猛下梨床去又逐鴛鴻振羽翰

十日菊

寂寞東籬下翠煙簇芳無人賞幽艷有蝶戀清香  
不伴茱萸飲空教蟋蟀藏重陽雖已過來歲可能忘



重陽述懷

廣平先生

屋頭寒雀作飢聲，老大都因節物驚。  
九日縱拚經夕飲，百年能病幾番醒。  
白衣於我似無舊，黃菊對人偏有情。  
醉裏高歌開口笑，世間名利一毫輕。

新刊古今歲時雜詠卷第三十六

新刊古今歲時雜詠卷第三十七

今詩

重陽下

九日藥市作

宋景公

陽九協嘉辰，斯人始多暇。  
五藥會廣塵，游肩開相駕。  
靈品羅賈區，仙芬冒闥舍。  
擷露來山阿，斲煙去巖罅。  
係道雜提攜，盈檐更薦藉。  
乘時物無賤，投乏利能射。  
饗苓互作王，參薺交相假。  
曹植謹鴈令，韓康無二價。  
西南歲多癘，卑濕連春夏。  
佳劑止刀圭，千金厚相謝。  
刺史主求瘼，萬室繫吾化。  
顧賴惡石功，捫衿重慚喏。

九日侍宴大清樓



游九標佳節中天駐翠輿晨光清複道秋色徧儲胥  
畦稻霜成後宮橙露飽初省收紆步玉拜賜儼華裾  
皇帝臨視刈稻宣許從臣同觀曼行來長樂鳴夷下屬車帝  
又令觀燈訖並賜棖稻新果韶儀瑞鷗玉藻躍恩魚霽霧供披拂涼風助埽除高  
楊穿葉外仙菊沉花餘寒入弓聲厲歡留酒筭徐神池  
元不浪温樹未曾踈帝眷憑秋稼臣心仰夏渠承平  
將樂事併入史臣書

九日宴射

佳節憑高駐綵旗亭皋霧罷轉晨曦棚間羽集號猿  
後臺外塵飛戲馬時芳菊治病爭汎藥丹萸辟惡偏  
傳枝明年此會知何處醉玉頰山不用辭

和晏相公九日郡筵

令序凝秋籥歡游駐使軒行觴酒筭密踏節舞鞞翻  
榴熟丹房解更香紫粒繁風頭獵輕恹日脚送斜喧  
鏤管新篇逸即轉運學士吹花舊俗存請為丞相壽長  
久慶調元

十日宴江瀆亭

節去歡猶在賓來賞更延悠揚初短日淒緊乍寒天  
霽沼元非漲秋花自少妍蟻留新獻耐蕙續不殘煙  
鯁衝餘藻游龜避折蓮流芳真可惜從此遂凋年  
九日食餠有詠

飈館輕霜拂曙袍糗餐花飲闕分曹劉郎不敢題餠





字虛負詩中一世豪。夢得嘗作九日詩欲用饒字思五經中無之設不復為又日樂天呼為詩豪

九日置酒

秋晚佳辰重物華。高臺帳飲駐鳴笳。邀歡任落風前帽。促飲爭吹酒上花。溪態澄明初畢雨。日痕清淡不成霞。白頭太守真愚甚。滿插茱萸望辟邪。

九日

商館憑高爽氣濃。露萸千穗亞枝紅。餅食交遺嘉籩上。藥菊爭吹壽管中。擊隼勵威平隰闊。戲駢沈響故臺空。何人盛繼龍山集。醉帽須防穀樹風。

閏九月九日登高有感

隔霜雲葉繞天愁。閏節重來續舊遊。賦客豈辭聊暇

日。楚人無柰剩悲秋。寒萸實老猶薰佩。晚菊香殘不占甌。悵憶故園歸信斷。渚鴻川鯉兩悠悠。

九日

帝京蒙福近相國。偃藩初爇熟中齊。酒厨鮮上客魚高。懷日蕭散外物久。驅除犀首無妨飲。宣尼或飯疏林彫。疑野闊荷罷似池虛。此樂憑誰辯。須煩藻思餘。

九日至衛南

良辰獨據鞍。節物強相干。酒駐衰顏淺。風欺客帽寒。暫吟非有屬。倦曲不成歡。多謝黃花意。還如故國看。

偶思桓景登高故事

桓景全家遂得仙。佩萸吹菊對陶然。汝南雞犬緣何

事不似淮王許上天。

重陽不見菊 二首

戲馬佳辰菊未黃，有人惆悵獨持觴。心知不作匆匆意，故欲凌寒走早飈。蜀地秋高未擬寒，翠苞如粒露方乾。重陽已過君休恨，留取金英日日看。

九日憑高有感

把酒憑高念歲華，此身流滯屬天涯。故園叢菊無人賞，露壓風欺只自花。

九日

長愛鴨陂頭，平波澹不流。相君時獨汎，准擬五湖舟。

次韻和司空相公閏秋重九中書對菊

晏殊

兩掖儀台峻，珍叢應序黃。積分迴令節，伏檻賞幽芳。昧谷重延律，仙州剩借霜。冒寒知意苦，逾分得荃香。漢幄羣生遂，虞廷萬事康。與人同所樂，留玩屬澄觴。

九日北郡登高見寄

前日登高泛玉卮，擊銅賡唱有新辭。如何偶作銷魂別，又復重吟把菊詩。上苑盃簪延景刻，北都投轄盛

官儀煩君見，想權言者可奈衡門絕貢基。近因諫臣接賓以專國論執政奏許休務

九日讌集和徐通判韻

散插黃花兩佩萸粉饅蓬餌醕觴初清歌咽後雲生  
袂妙舞翻時雪滿裾上客采香逢木宓佳人投鉤得  
王餘秋光屈指猶三七莫向賓朋綺宴踈

次韻和史館呂相公九日偶書

時史館充大內修首使罷重陽宴

鳳閣千門制不奢上公精意在朝家重陽蜜餌承班  
詔西苑瓊樽輟泛花蕭相未央功已半漢皇宣室宴  
非賒由來位極妨行樂日斷黃壚酒旆斜

八日菊是日與集賢彭祕書承集賢王寺園會飲同賦此題酒監胡弼王進士許西王殿中軫見訪因亦預會一章薄暮

瑞莫才半折金榮已爭妍幸得重陽近貪為一日先  
登高謀宿約泛酒試芳筵詰旦尋餘馥明知賞愛偏

重陽夕內宿

花菊醒陶酒揚鞭入漢闈聚蚊秋未息獨為暮先歸  
世有涼暄隔人無今昨非悠然倒冠佩頻夢北山薇

九月八日游渦徐通判孝燕縣楊察監

黃花夾徑疑無路紅葉臨流巧勝春前去重陽猶一  
日不辭傾盡蟻醪醇

閏九月九日

閏秋重九再佳辰猶見黃花裛露新更作登高亦何  
害恨無彭澤苦吟人

重陽日會有美堂南望 蔡襄

越邑吳封此地分高堂繁吹出空聞山峯高下抽青

第○江水東西卧白雲。菊蘂芬芳初應節。松枝照曜欲迎曛。州人不見歸時醉。未擬風流待使君。

北園登高即事呈諸同僚

江雲寒薄不成霜。九日登高菊未黃。飛鏑有聲弓已力。小槽分溜酒初嘗。秋容行見丹楓老。客意難勝紫陌長。曾是禁園風物好。故鄉時節可能忘。

九日許當世以詩見率登高

霜雲明淨海山隈。一歲登臨始北回。堂上壽觴淋浪滿。欄邊叢菊似疑開。故鄉情味人生好。今日恩榮使節來。正是秋風洗煩暑。力將衰颯上高臺。

九日分題得湖字

張無盡

十里澄波接縣郭。曲江勝踐號東湖。園林晚境歸無盡。道德遺風想吉夫。九日昔人傳落帽。一時吾輩共携壺。丹青國手微加意。未必姑蘇有此圖。

同前得臺字

楚郊極目望蓬萊。地勢高。獨此臺。豈為登臨邀爾飲。且教意思廓然開。太虛蕩。觀無極。俗賞區。勞數杯。多謝紅茱與甘菊。應時納祐有奇哉。

九日赴宴不及簡館中同寮

劉筠

野趣風流屬此辰。帝臺高會敞重茵。絳囊為佩仙吏密。綠醞飛觴壽菊新。兼豆豐盈堯蓬饌。雅歌清壯漢

營人年來多病歡遊阻溫玉蒼葭豈易親

黔中重九

賈崇儀

澤國秋殘已可傷佳辰愈是竟淒涼鏡中謾嘆頭都  
白籬下那堪菊未黃老去情悰多感舊登高心緒只  
思鄉臨風莫使陶、醉酒欲醒時更斷腸

九日登屏障山

陶崇儀

屏障山頭酒百鍾年、清景屬山翁催人白髮落何  
處勸客黃花開數蕪入峽路盤深地底出瀧船下牛  
天中仕塗城嶮時情薄莫愛嘉魚膾縷紅

次韻和縣樓九日

白子儀

紅葉青峯轉日圍茱萸香重菊苞肥已邀結駟共傾

蓋不聽賓鴻催授衣漳浦亦攀風御起龍山還競羽  
觴飛但知歲、佳辰在莫歎人間有是非

九日叢山戒珠寺作

吳史館充

秦望山前曉鴈斜叢山雲入看黃花誰能帶芥開心  
緒且種茱萸伴物華歲許簿書寧有盡日生公事了  
無涯樽前况有兵厨酒不待兵厨酒亦賒

九日

石敏若

節物驚心兩鬢華東籬空遶未開花百年將半仕三  
已五畝就荒天一涯豈有白衣來剝啄亦從烏帽自  
歌斜直成獨坐空搔首門柳蕭、噪晚鴉

九日汴中

蘇子美



旅棹出江湖。漂然迹更孤。風波數破胆。時事一長吁。  
聞說西羌使。猶稽北苑誅。欲言無上策。且復醉茱萸。

九日懷舍弟

唐子西

重陽陶令節。單闕賈生年。秋色蒼梧外。衰顏紫菊前。  
登高知地盡。引滿覓天旋。去歲京城雨。茱萸對惠連。

九日獨酌

登高無老伴。引滿自高歌。歡意天邊少。重陽野外多。  
黃花空歲月。白首尚關河。他日龍山興。吾今在網羅。

九日登堯山書事

夏竦

滿頭黃菊髮毛斑。曾議皇王對迓顏。今日臨風輕霸  
迹。堯山應合勝牛山。

九日三首

宋白

露冷風清九月九。茱萸黃菊家園有。何時王殿接千  
宜。稱觴共進南山壽。

陶家籬落菊花開。醉擬西風立釣臺。一座良交皆不  
見。數聲燕鴈夏雲來。

秋色蕭蕭野水邊。茱萸時節菊花天。明時未達青雲  
晚。惆悵登高又一年。

重陽雨中獨酌

蹋泥作客應狼籍。帶雨微吟免鬱陶。花滿山樽獨酌  
好。靜中高味是登高。

和景初九日登高不見菊

王逢原



從來秋菊不曾栽，敢向西風怨不開。我自傷教有高興，非關特為菊花來。

九日

葛次仲集句

高秋寓目更徘徊，吳融多少鄉心入酒盃。趙嘏正被遶籬荒菊笑，陸龜蒙望中難見白衣來。李郢

和燕勉道九日

崔正言

年年載病客天涯，愁看秋風鴈字斜。聊倚暮山銷日月，休題醉語壓煙霞。存君玄鶴千年壽，泛我黃金萬點花。歸去尚怜烏帽在，孟翁頭髮映霜華。

九日

采采堂前花零亂，滿篋管桂枝欲自簷。髮髮吁可數。

因之尋萬世，乃是足下土。利害何必云，於叅花式歌舞。

客中九日

漸入黃花路，徐登綠麥岡。回頭望鄉樹，卓馬背斜陽。逝矣歲華晚，渺然歸興長。風塵不須畏，吾髮舊蒼良。

九日寄湛文之

今日喜九日，東行復西行。黃花侵馬路，紅樹遶龜城。鄉城作龜樂歲知佳節，登高宜晚晴。遙怜湛夫子，有酒不同傾。

九日作

日暮鴻鴈急，天清雲物消。此生餘幾許，勝日得今朝。老懶詩全閣，悲傷酒屢饒。能來望嵩高，杖一登高。



九日招友人

萬點黃花存壽杯。願君常見此花開。莫嫌窮巷青泥滿。不礙方明履板來。

重九舟次大湖。惜此佳時無菊。可以自慰。呼兒取綵菊戴之。

綵花染出鬱金黃。便似微聞裛露香。插破角巾渾不惜。要知今日是重陽。

九日與葵伯世兄弟城上採菊。伯世誦居仁九日絕句。因用其韻。

老頭未易見清香。折取蕭蕭滿把黃。歸去釀錢煩里社。買餠沽酒作重陽。

九日登武氏東山

豹林先生

秋色入東山。丹黃若圖寫。開林置齋館。萬目盡原野。佳節共登臨。霜天苦蕭洒。二室對高峻。雲烟相上下。洛浦接平蕪。川光時變化。下有神州路。遑走車馬。貴賤競紅塵。役心忘晝夜。流年悲過防。節去愁衰謝。予心異於是。委分從天假。不復慮死生。疇能校用捨。對景自無感。逢歡有餘暇。北海酒盈樽。東籬菊滿把。芬芳必三嗅。清醇須覆罍。尺醉陶歸誰。是整冠者。

九日寄姪世衡

林紅零落菊花風。塵世拘牽少會同。獨把一杯思小阮。放懷吟醉白雲中。





秦岷道中值重九

隴西先生

宮柳飄黃菊，粲霜秦原沙。冷值重陽，縵山賸飲東籬。  
秀浮學應思蜀，釀香霧日被峯寒。硤靜柰田迷，阜古  
岷長。皇威革衽連葱嶠，亦變千箱，與萬倉。

西岡重九

周奉議座中賦得黃字韻

李新

天涯一角見重陽，蕭洒西風客斷腸。麻紵未更今日  
白菊花，還似去年黃。陶潛把酒重開解，宋玉臨墻乍  
感傷。借問龍山歌會者，座中誰認綠衣郎。

忠告重九

出戶非我識，長安雖萬家有愁。焦綠髮無語，撚黃華  
酒僻喜宮醞。衾寒怯絳紗，欲傳此清況。行客在天涯。

重陽舟次高郵

余安行

塗遠舟程未到家，此身誰念客天涯。東籬乍破黃金  
藥，舊髮新添白雪牙。尊美不須添醬豉，蟹肥無復羨  
魚蝦。白衣送酒知何在，踈放終難學孟嘉。

重陽

東溪先生

簞筵辭勞始乞身，夾衣溫麗燕私辰。秋容刮黛披天  
姣，秫米長腰激蟻困。黃菊明朝為長物，江山今日笑  
醒人不傾孫盛。貽嘲弄預對西風，脫醉巾。

閏重陽

鳳歷推移二十霜，一回重見閏重陽。糯田收早醪將  
熟，朔氣來時菊整香。綠髮不堪禁晚景，醉盃聊可浣



愁腸幽人百萬揚州鶴鼎足成歡未易當

九日羅江旅情呈文孺

山程千驛策駑來中路幾成興盡回旅次白醪饒客  
醉故園黃菊為誰開漏長更箭遲翻鼓坐久燈花細  
落煤不是學無經濟術道書教我壯心灰

次韻重陽二首

節過月餘  
方和次韻

蜂愁節去已焉哉賓友追稱上宴臺詩韻此時傳我  
和酒樽當日為誰開光陰碌，駒奔過氣候新，轂  
轉來身赴令辰如舞袖急忙須趁管絃催  
故事登高會流風落帽文客樽常滿，籬菊任紛紛，  
馬埒攄豪氣更囊裏想舊聞不須闌作佩騷客恨如雲

重陽近有作

短晷西風冷殘秋令節頻菊花無幾日竹葉勸何人  
飽稻黃雞矮拋房紫栗新時來特此備未覓野夫貧

九日無菊

芳物及時難良辰曠雅歡古園荒草莽秋雨禿欄干  
香桂風流滅紅萸氣味單書紳懲淡飲活取宿根寒

重陽後有序

白酒賢人趣黃花道貌粧物情殊未厭時節不加長  
自是良辰往何妨後會張試看人化鬼不異露為霜  
重陽已後折菊泛酒

芳樽畢獻酬世態等閑休金麝香猶在騷人意重留



泛觴詩老座作古飲家流從此重陽後殷勤送暮秋  
重陽醞未熟無菊絕句

露寒黃菊怯芬芳入甕新醅未可嘗痛飲不須撞令  
節花開酒熟是重陽

又三絕戲老友

二十年中一度逢百年能見幾回重幽人樂事無由

併且醉良辰瑪瑙鍾

西風學得不風流每怪衰翁未伏秋一陣樽酒飄醉

帽故教人見老人頭

摘盡霜鬚禿蠟髯年來地閣不任共芙蓉為惜班

髮著力風前豎帽簷

新刊古今歲時雜詠卷第二十八

古詩

初冬 立冬附

十月一日初冬

杜甫

有瘴非全歇為冬不亦難夜郎溪日暖白帝峽風寒  
蒸暑如千室焦槽幸一拌茲辰南國去舊俗自相歡

初冬

垂老戎衣窄歸休塞色深漁舟上急水獵火著高林  
日有習池醉愁來梁父吟干戈未偃息出處遂何心

洛下初冬拜表有懷上京故人

劉禹錫

鳳樓南面控三條拜表郎官早渡橋清洛曉光鋪碧  
簾上陽霜葉翦紅綃省門簪組初成列雲路鴛鴦想  
退朝寄謝殷勤九天侶檣榆水擊手各逍遙

酬樂天初冬早寒見寄

元稹

乍起衣猶冷微吟帽半歌霜凝南屋瓦雞唱後園枝  
洛水碧雲曉吳宮黃葉時兩傳千里意書札不如詩

今詩

初冬

初冬夜坐憶桐城山行

梅聖俞

我昔吏桐鄉窮山使屢躡路險獨後來心危常自怯  
下顧雲容容前溪未可涉半崖風颭然鷲鳥爭墜葉

脩蔓不知名丹寶坻在茨林端野鼠飛緣挽一何捷  
馬行聞虎氣豎耳鼻息歡遂投山家宿駭汗衣尚浹  
歸來撫童僕前事語妻妾吾妻嘗有言艱勤壯時業  
安慕終日間笑媚看婦靨自是甘努力于今無所懾  
老大官雖暇失偶淚滿睫書之空自知城上鼓三疊

初冬偶成

張文潛

清商忽已謝環堵緬清冬今晨起何早蕭氣淒房櫳  
繁霜灑灑欲結露霧縹緲迷長空理畦曉蔬盡收果高林空  
六年淮陽客歲々風景同吁嗟吾老矣撫事思無窮

初冬道中

曾子固

潦退蛟螭不可逃谿清潭澈見秋毫欲霜日射西山

赤漸冷天騰北極高秀色更濃唯竹柏孤根先動是  
蓬蒿感時一撫青萍歎馬踏西風氣自豪

初冬

范資政

節令堅冰始民風古意淳金行窮少皞正歲述咸春  
俗禮嫌端拜頭風強果衣中紅泥爐畔酒從此卜親鄰

初冬近飲酒作

東溪先生

天水封陞南接蜀秦亭翠照岷峨綠世間豈有糞金  
牛枉使五丁斧山玉罷侯置守自蜀始監郡東來兩  
朱轂至今芙蓉城上土邦人猶記張儀築偏方遠僻  
坐井底豈知東國窮鋒鏃十月為正布時令方驗水  
行改周木南征北戎幸息肩洒酒包豚賀新屬祖龍

妾意一至萬當道已聞神姬哭炎家天子起編戶政  
患羸皇威令酷急於恩紀緩文法正歲尚猶傳五六  
吾民久矣作秦民迄今十月猶遺俗野人何暇論年  
代但憶每逢多稼熟青裙女子翻茜袖抽鎌獲稻畧如  
束三時勤苦一時好自古有年非汝獨七雄爭戰已  
遙遠萬代興亡真返復洛誦徒勞口囁嚅不如屢揖  
壺中醪

予寓邑中與瑤子講學巨山姪孫轉示初  
冬書事因用韻

霜風幾夕報初寒蟋蟀歸來已四遷舊物有瓊眠軟  
暖講堂逢鱠饋新鮮功名久已遺清世征戎何由及



晚年暴客更緣貧見外時危身世亦悠然

初冬小園寓目

獨樹喬寒色閑雲淡淡落暉新霜黃橘重久雨翠梧稀  
暗雀鳴還啄高鳥定更飛弊貂猶故在卒歲免無衣

立冬

立冬日

張無盡

已亥殘秋報立冬新舊迭相逢定知天上漫  
雪又下人間疊峯無意自然成造化有形爭得出

陶鎔夜來西北風聲惡物折亭前一搏松

立冬夜舟中作

范資政

人逐年華老寒隨雨意增山頭望樵火水底見漁燈

浪影生千疊沙痕沒幾稜峨眉欲還觀須待到晨興

龍遊舟中遇立冬二首

大觀戊子同應求至京口予赴試南京

余安行

掛帆朝發龍遊浦天寒正下瀟雨聞道人間今日  
冬連檣處處歡相語我今與汝共孤舟寂寞舟中任  
水流人生自適乃為樂莫把閑腸生寸愁  
一陽初復來江渚老龍漸起興雲雨人間今節偶斯  
辰君子道亨同笑語溪中朝夕往來舟去人何在水  
長流吾生塵世暫寄尔病死飢寒非我愁

新刊古今歲時雜詠卷第三十八

新刊古今歲時雜詠卷第三十九

古詩

冬至

冬至日小會四言

張華

日月不留四氣迴周節慶代序萬國同休庶尹羣后  
奉壽升朝我有嘉禮式宴百僚繁肴綺錯百酒泉淳  
笙鏞和奏聲管流聲上隆其受下盡其心宣其雍滯  
詠之德音乃宣乃訓配享交奏永載仁風長撫無外

冬至

鮑照

舟遷莊其笑水流孔急難景移風度改日至暑遷換  
眇眇負霜鶴皎皎帶雲鴈長河結蘭紆層冰如玉岸



哀哀古老容慘顏愁歲晏催促時好過逼迫聚離散  
美人還未央鳴箏誰與彈

同前

宋傅亮

星昂勢仲冬短晷窮南陸柔荔迎時萋芳芸應節馥

詠冬至

宋袁淑

連星貴初歷今自臨首歲存樂行陰政登歌贊陽滯

收涼降天德萌華宣地惠司瑞紀夜書雲掌朝誓

冬至後丞相弟詣世子車中作

沈約

廉公失權勢門館有虛盈貴賤猶如此况乃曲池平

高車塵未滅珠履復故無聲宿階綠錢滿客位此紫苔生

誰當九原上鬱鬱望佳城

五言書堂良夜履長在節歌管賦詩逝

筵命酒十韻成篇得省合塔離納

陳後主

季冬初陽始寒氣尚蕭飒原葉或委低岫雲時吐欲

雕樹乍踈迥遠峯自重沓雲興四山靈風動萬籟答

肅凝露下裁層冰合複殿可以娛於茲多延納

迢迢百尺觀杳杳三休閣前後訓導屏左右文衛匝

進退簪纓移縱橫壯思雜幸矣天地泰當無范睢拉

冬至日乾陽殿受朝

隋煬帝

北陸隆冬盛南至晷漏長端拱朝萬國守文繼百王



至德慚日用治道愧時康新邑建嵩嶽雙闕臨洛陽  
幸景正八表道路均四方碧空霜華淨朱庭皎日光  
纓珮既濟，鍾鼓何嚶嚶文戟翊高殿采眊分脩廊  
元首之明哲股肱資賢良舟楫佇有寄庶此王化昌  
奉和冬至日乾陽殿受朝應制

牛弘

恭已臨萬寓宸居馭八埏作貢菁莪集來朝圭黻連  
司儀三揖盛掌禮九賓虔重欄映如壁復殿繞非烟

奉和冬至應教詩

隋蕭愨

天宮初動磬緹室已飛灰莫風吹竹起陽雲覆石來  
拆冰開荔色除雪出蘭栽慙無宋玉辯濫吹楚王臺

和麴典設扈從東郊憶弟使往安西冬至  
日恨不得同申拜慶

李嶠

玉關方叱馭桂苑正陪輿桓嶺嗟分翼姜川限饋魚  
雪花含晚雲葉帶荆舒重比西流詠弥傷南至初

冬至後過吳張二子檀溪別業

孟浩然

卜築因自然檀溪不更穿園廬二友接水竹數家連  
直取南山對非閑選地偏擇隣依孟母共井得王宣  
曾是歌三樂仍聞詠五篇草堂時偃曝蘭棹日周旋  
外事情都遣中流性所便閑垂太公釣興發子猷舩  
予亦幽棲者經過切慕焉梅花初臘月柳色半春天



鳥泊隨陽鴈魚藏縮項鯁停孟問山簡何似習池邊

後至

杜甫

冬至至後日初長遠在劍南思洛陽青袍白馬有何  
意金谷銅駝非故鄉梅花欲開不自竟棣華一別永  
相望愁極本憑詩遣興詩成吟詠轉淒涼

冬至遣興奉寄兩院遺補

去歲茲辰捧御床五更三點出鵷行欲知趨走傷心  
地正想氛氲滿眼香無路從容陪語笑有時顛倒著  
衣裳何人錯憶窮愁日愁日愁隨一線長

冬至

年年至日長為客忽忽窮愁泥殺人江上形容吾獨

老天邊風俗自相親杖藜雪後臨丹壑鳴玉朝來散  
紫宸心折此時無一寸路迷何處見三秦

小至

天時人事日相催冬至陽生春又來刺繡五文添弱  
線吹葭六琯動浮灰岸容待臘將舒柳山意衝寒欲  
放梅雲物不殊鄉國異教兒且覆掌中杯

至日遣興寄北省舊閣老兩院故人

憶昨逍遙供奉班去年今日侍龍顏麒麟不動爐烟  
上孔雀徐開扇影還玉几由來天北極朱衣只在殿  
中間孤城此日空腸斷愁對寒雲日滿山

冬至夜寄京師諸弟兼懷崔都水



韋應物

理郡無異政所憂在素飡徒令去京國羈旅當歲寒  
子月生一氣陽景極南端已懷時節感更抱離別酸  
私讌夕云罷還齋夜方闌遠暮沉空宇孤燭照床單  
應同茲夕念寧忘故歲歡川途况悠邈涕下一欄干  
冬至下寄舍弟時應賦入京雜言

立為

去去知來遠依依甚初別他鄉至下心昨夜塔前雪  
終日讀書仍少孤家貧兄弟未當途適遠終過宿春  
科相隨唯一平頭奴男兒出門事四海立身世業文  
章在莫漫憶柴扉馬高車朝紫微江南驛使不曾

斷迎前為尔非春衣

合肥至日愁中寄鄭明府

劉商

失計為卑吏三年滯楚鄉不能隨世俗應是昧行藏  
白壁空無玷黃沙只自傷暮天鄉思亂曉鏡髮毛蒼  
灰管移新律窮陰變一陽歲時人共換幽慎日先長  
拙宦慙知己無媒誨自強述遭著薄命恩惠費餘光  
眾口誠難稱長川却易防魚竿今尚在行此棹滄浪  
冬至日陪裴端公使君清水堂

釋皎然

亞歲崇嘉烈華軒照綠波渚芳迎氣早山翠問晴多  
推徃知時訓書群辨政和從公借日短留賞夜如何



冬至夜郡齋宴別前華陰盧主簿并序

張登

范陽盧君道漳以適越人悅之稅車休徒主旬之問  
然後飭行李之命時日南至登與賓客僚吏會別于  
郡齋釀酒卜夜夜艾酒酣而不能自己故成請詩之  
由是探韻而賦賦不出志大抵感時傷遠又美盧君  
擇其所從而惑 頌征南有奔走之德焉  
虎宿方冬至雞人積夜籌相逢一樽酒共結兩鄉愁  
王儉花為府盧謀幄內璆明朝更臨水悵望嶺南流  
郊居冬至日荷李常侍見過

熊孺登

賤子守柴荆誰人記姓名風雲千騎降草木一陽生  
禮異江河動歡殊里巷驚稱觴容侍坐看竹許同行  
遇覓滄溟淺恩疑太嶽輕盡搜天地物無論此時情

長至上公獻壽

張叔良

鳳閣情鍾動雞人曉漏長九重初啓鑰二事正稱觴  
日至龍顏近天旋聖歷昌休光連雪淨瑞氣雜鑪香  
化被君臣洽恩霑士庶康不因稽舊興誰得紀朝章

同前

崔琮

應歷三陽首朝天萬國同斗邊看子月臺上像禪風  
丑夜鍾初曉千門日正融玉階文物盛仙仗武貔雄  
率舞皆群辟稱觴即上公南山為聖壽長對未央宮

同前

李竦

候曉金門闕乘時寶歷長羽儀瞻上宰雲物麗初陽  
漢禮方傳珮堯年正捧觴日行臨觀闕帝錫洽珪璋  
盛美超三代洪休降百祥自憐朝不坐空北詠無疆

南至日太史登臺書雲物建中二年

裴達

圓丘才展禮佳氣近初分太史新替筆高臺紀彩雲  
烟空和縹緲曉色共氤氳道泰資賢輔年豐荷聖君恭  
惟司國瑞兼用察人文應念懷鈞客終朝望碧雲

同前

毛尹躬

至日行時令登臺約禮文官稱伯趙氏色辨五方雲

晝漏聽初發陽先望漸分用天為歲備持簡出人群  
惠愛周微物生靈荷聖君長當有嘉瑞郁郁復紛紛

南至日隔伏望含元殿香爐貞元六年

崔立之

千官荷長至萬國拜含元隔伏爐光出浮霜烟氣翻  
飄飄紫內殿漠漠澹前軒聖日開如捧卿雲近欲渾  
輪困洒宮闕蕭索散乾坤願假天風便披香奉至尊

同前

郭遵

冕旒親負展卉服盡朝天賜谷移初日金爐出御烟  
分磬流遠近散漫入貂蟬霜仗凝餘白朱欄映轉鮮  
如看浮闕在稍竟逐風遷為沐皇家慶夾瞻羽衛前



同前

車紆

抗殿疏元首高高接上玄節當南至日星是北辰天  
寶戟羅仙仗金爐引瑞烟霏微雙闕麗溶曳九州連  
拂曙祥光滿分晴曉色鮮一陽今在歷生植願陶甄

酬崔舍人冬至日宿直見寄

權德輿

令節一陽新西垣宿近臣曉光連鳳沼殘漏起雞人  
白雪飛成曲黃鍾應律均層霄翔迅羽廣陌駐歸輪  
清切晨趨貢恩華夜直頻輟才時所重九月中楊閣老分  
命秩皆真十月申崔閣老正拜本官德輿正左掖期連茹南  
宮愧積新北年叨此地迴首倍相親

冬至自宿齋時郡

內朝謁因寄

清齋獨向圜丘拜盛服想君興慶朝明日一陽生百  
福不辭相望阻寒宵

朔旦冬至攝職南郊因書即事

大明南至慶天正朔旦圓丘樂六成文軌盡同堯歷  
象齋祠忝備漢公卿星辰列位祥光滿金石交音曉  
奏清更有觀臺稱賀處黃雲捧日瑞昇平

冬至後招于秀才

王建

日近山紅暖氣新一陽先入御溝春聞閑走馬重來  
此沐浴明年稱意身

至日登樂遊園

裴度



陰律隨寒改陽和應節生祥雲觀魏闕瑞氣映秦城  
驗炭論時政書雲受歲盈晷移長日至西務斂遠容清  
景暖仙梅動風柔御柳傾那堪封得意空對物華情

日南至元和年史部

獨孤鉉

玉歷班窮律凝陰發一陽輕暉猶惜短桂影比偏長  
晷度經南斗流晶盡北堂乍疑周戶耀可愛逗林光  
積雪消微照初萌動渺茫更昇臺上望雲物已昭彰

冬至日祥風應候

節逢清景空占氣二儀中獨喜登臺日先知應候風  
瑞呈光舜化表慶感堯聰况與乘時叶还将入律同  
微微萬井徧習習九門通更遶爐煙起啟動報歲功

邯鄲冬至除夜思家

白居易

邯鄲驛裏逢冬至抱膝燈前影伴身想得家中夜深  
坐還應該說著遠行人

冬至夜懷湘靈

艷質無由見寒衾不可親何堪最長夜俱作獨眠人

冬至宿楊梅館

十一月中長至夜三千里外遠行人若為獨宿楊梅  
館冷枕單牀一病身

冬至夜

老去襟懷常濩落病來鬚髮轉蒼浪心灰不及爐中  
火鬢雪多於砌下霜三峽南賓城日取遠一年冬至夜

偏長今宵始覓房櫳冷坐索寒衣泥孟光

小歲日對酒吟錢湖州所寄詩

獨酌無多興閑吟有所思一盃新歲酒兩句故人詩

楊柳初黃日鬢鬚半白時蹉跎春氣味彼此老心知

今日夫妻喜他人豈得知自嗟生女晚敢訝見孫遲

物以稀為貴情因老更慈新年逢吉日滿月乞名時

珠名桂燎熏衣果蘭湯洗玉肌懷中有可抱何必是

男兒

至日上公獻壽酒

白敏中

候曉天門闕朝天萬國同瑞雲昇觀闕香氣映華宮

日色臨仙籟龍顏對昊穹羽儀瞻百辟獻壽是三公  
化被君王洽恩沾草木豐自相朝王座宴此詠皇風

冬至日寄小姪阿宜

杜牧

小姪名阿宜未得三尺長頭圓筋骨緊兩臉明且光

去年學官人竹馬遶回廊指揮群兒輩意氣何堅剛

今年始讀書下口三五行隨兄旦夕去歛手整衣裳

去歲冬至日拜我立我旁祝爾願爾貴仍且壽命長

今年我江外今日生一陽憶爾不可見祝爾傾一觴

陽德比君子初生甚微茫排陰出九地萬物隨開張

一似小兒學日就復月將勤勤不自己二十能文章

仕宦至公相致君作堯湯我家公相家劔佩嘗丁當





舊第開朱門長安城中中央第中無一物萬卷書滿堂  
家集二百編上下馳皇王多是撫州寫今來五紀強  
尚可與爾讀助爾為賢良經書刮根本史書閱興亡  
高摘屈宋艷濃薰班馬香李杜泛浩，韓柳摩蒼，  
近者四君子千古爭強梁願爾一祝後讀書日，忙  
一日讀十紙一月讀一箱朝廷用文治大開官職場  
願爾出門去取官如驅羊吾兄苦好孝，問不可量  
書居府中治夜歸書滿牀後貴有金玉必不為尔藏  
崔昭生崔芸李兼生窟郎堆錢一百屋破散何披猖  
今雖未即死餓凍幾欲僵忝軍弁縣尉塵土驚動勸  
一語不中治管筭垂身滿瘡官罷得絲髮好買百樹桑

稅錢未輸足得米不敢嘗願爾聞我語歡喜入心腸  
大明帝宮闕杜曲我池塘我若自潦倒看汝事翱翔  
揔語諸小道此詩不可忘

冬至日遇京使發寄舍弟

遠信初逢雙鯉去他鄉正遇一陽生樽前直解愁家  
國輦下唯能憶弟兄旅館夜憂姜被冷暮江寒竟晏  
裘輕竹門風過還惆悵疑是松窗雪打聲

和湖州和負外冬至日白蘋洲見憶

李郢

白蘋亭上一陽生謝眺新裁錦綉成千嶂雪銷溪影  
綠幾家梅綻海波清已知鷗鳥長來狎可許汀洲獨有



名多媿龍門重招引即拋田舍棹舟行

冬至後西湖泛舟看斷冰偶成長句

一陽生後陰飈竭湖上層冰看坼時雲母扇搖當殿  
色珊瑚樹碎滿盤枝斜汀藻動魚應覓極浦波生鴈  
未知山影淺中留瓦礫日光寒外送連漪崖崩葦岸  
縱橫散篙篙蹙蘭舟片段隨曾向黃河望衡激大鵬飛  
起雪風吹

江南冬至和人懷洛下

陸龜蒙

昔居清洛涯長恨苦寒遲自作江南客稀逢下雪時  
有烟栖菊梗無凍落杉枝背日能尋徑臨風尚覆棊  
鳥聲渾欲轉草色固應知舟看平湖上東流或片漸

冬至夜作

天復二年隨駕在鳳翔

韓偓

中宵忽見動葭灰料得南枝有早梅四野便應枯草  
綠九重先覓凍雲開陰冰莫向河源塞陽氣今從地  
底迴不道慘舒無定分却憂蚊響又成雷

南至日四首

司空圖

年年山豎豎來頻莫強孤危競要津吉卦偶成開病  
眼暖簷還首寄羸身求仙自躁非無藥報國當材別  
有人髮髮堪傷白已遍鏡中更待白眉新

今冬騰後無殘日故國燒來有幾家却恨早梅添旅  
思強偷春力報年華  
花時不是偏愁我好事應難揔取他已被詩魔長役

思眼中莫厭早梅多  
年華亂後偏堪惜世路拋來已自生猶有玉真長命  
綏樽前時把緩羈情

冬除夜書情

盧延讓

兀兀坐無味思量誰與隣  
數星深夜火一箇遠鄉人  
鴈翥天微雪風號樹欲春  
愁章自難過不覓苦吟頻

新刊古今歲時雜詠卷第三十九

新刊古今歲時雜詠卷第四十

今詩

冬至

冬至日贈安節

東坡

我生幾冬至少小如昨日當時事父兄上壽拜脫膝  
十年閱凋謝白髮催衰疾瞻前惟兄三顧後子由一  
近者隔江濤遠者天一壁今朝復何幸見此萬里姪  
憶汝總角時啼笑為梨栗陶潛詩通子垂九今來能  
慷慨志氣堅鍊石諸孫行複爾世事何時畢詩成却  
超然老淚不成滴

和過子冬至與諸生飲酒



小酒生黎法乾糟瓦盎中芳辛知有毒滴瀝取無窮  
東醴寒初泣春醅暖更濛華夷更樽合醉笑一歡同  
里閒我山北田園震澤東歸期那敢說安信不曾通  
鶴髮驚全白犀圍尚半紅愁顏解符老詩耳聞吳翁  
得穀鶩初飽亡猫鼠益豐黃姜收土芋蒼耳斫霜叢  
兒瘦緣儲藥奴腓為種松頻、非竊食數、尚乘風  
河伯休夸若靈昌自舞馮歸途陷泥淖炬火燎茅蓬  
昧上王文度家傳張長公和詩仍醉墨戲海亂群鴻  
冬至日獨遊吉祥寺  
井底微陽回未回蕭、寒、雨濕枯荻何人更似蘇夫  
子不是花時肯獨來

次韻仇池冬至日見寄

黃門

身如草木順陰陽附火重裘百日強漸喜微和解凝  
烈半酣起舞意倉忙吾兄去我行三臘千里今宵共  
一觴世事只令人自解苦寒須盡酒如湯

進賀冬至

張無盡

燭滿天街曉漏長杜門牢落歎臺綱金吾六卒閑私  
弟玉笋千官守未央五貴訐謨恩盜賊一朝新事効  
風霜堯天咫尺橫雲霧遙慶南山萬壽觴

冬至

梅聖俞

銜泣想慈顏感物哀不平自古九泉死靡隨新陽生  
稟命異草木被將羨勾萌人實嗣其世一衰復一榮



依韻和吳正仲冬至

流光冉冉即衰遲物趣回環似轉規長景已知今日  
至孤懷不比少年時阻陪上閣鴛鴦後且與南州父  
老期况有春禾新酒熟百分休放手手中卮

冬至日得謝師厚宋次道中道書

水國欲為雪野冰將合河人同一陽至淚向八行多  
朋意今猶在年華悵已過看之四十九應笑此蹉跎

宣城至日謁天慶觀呈郡僚

張文潛

溪山慘殘歲况乃值新冬凌晨率其屬肆禮款琳宮  
漠漠冒原霧淒淒隔水風南方異氣候霜葉未全紅

忽憶簪史筆早趣闕蒼龍拜舞東上閣佳氣鬱葱  
談笑出左掖交游盡英雄老大心已矣依然夢魂中

冬至後三首

寒著添綿初朝折足錯何勞問榮辱便是了平生

理自陰陽運吾寧口舌爭深居玩吾寔不遣世人驚

水國過冬至風光春已生梅如相見喜鴈有欲歸聲

老去書全懶園中酒屢傾窮通付吾道不復問君平

梅柳有情態江鄉逼歲除山村見霜橘江市出寒魚謫

久衣冠嬾身閑故舊疎傍籬挑菜甲憶我故園蔬

至後早起

紅臘粘梅冷未粘柳條偷暖乍織、高樓殘月誰家



雪盡日天寒不卷簾

冬至二絕呈阿璉念六

荻籬茅屋柯山下買餅歸來也做冬不見長安競時  
節車如流水馬如龍  
五更人起語江城笑語諠喧天欲明酌酒壽君但一  
醉百年珍重是人情

冬至

紫壇曾從真琳琅親被天人玉冕光今日黃州山下  
寺五更聞鴈滿林霜

和至日北園讌集

晏殊

清曉融風肅桂堂郡僚多暇舞筵張是日太賓命賓臺高已驗

雲容媚日煖懸知漏刻長溪子弩寒千命中蘭英酒  
熟百傳觴官曹事集神都近預拜需函慶一陽

奉和聖製冬至

吉序冠三正民時協順成歲穰千畝寔氣爽六符平  
肆樂遵年律迎長謁頌聲雲濃燕鴈度雪霽楚蘭榮  
異域梯航集諸侯篚貢盈堯仁敷萬有同此一陽生

冬至夜發峽州舟中作 范侍郎

舟中萬里行燈下一陽生不減在家好都忘為旅情  
霜乾風愈勁雲淡月微明况有詩魚酒樽前莫問更

冬至

王介甫

都城開博路佳節一陽生喜見兒童色歡傳市井聲



幽閑亦聚集珍麗各携辭却憶他年事閑商閑不行

長至 二首

石敏若

陽和微逐管灰浮節物那知人倦遊無可奈何霜後  
冷急推不去眼中愁康衢結束新裳雜飛蓋追隨賀  
客稠尤有祢衡漫一刺侯門如海未容投  
筆墨如山寧療飢謾勞紅日一絲遲濁醪有理貧難  
醉坐客無檀寒見欺占歲豐凶雲物動漏春消息管  
灰知江南梅使無恙否腸斷隴頭花一枝

冬至夜旅懷

楊齊

亂霜如葉撲窓寒愁到心如欲斷絃鳳管陽絃一聲  
起蟾輪月已九分圓擁炉酌凍酒相對欹枕背殘燈

未眠乞得曉鍾西拜望露中香為祝親燃

長至日念應求

三十日

余安行

純陰歸盡一陽來鬱襟懷此日開早晚大恩到夔  
峽整裝應得趁時迴

和在普州冬至日作

李新

詩成椽筆一何工元有英聲沙洛中已是少師扶日  
手更看公子釣鰲風書雲寶笈開新瑞脫木香山墮  
晚紅經濟通才尤補外與騎星鶴問玄宮

南至日過鹽埧官亭

墮衣黃楓香著髮青霜濕江山如故人到眼類長楫  
客行先飛蓬不肯擬馬立時節當書雲相將何太急



我本芻牧兒家有舊哀笠勤辛朱墨間銷減耕耨力  
欲歸倒虛囊追赴村社集傳言東隣翁但空西向席  
梨栗隨所有大白更增一勿復問市朝弁翁醉終日  
冬至夜宿顯口市  
寧辭舉棹頻不竟又黃昏有感逢冬節無寥宿水村  
客心愁待旦盃酒強開樽共祝同歡慶亨途莫我論

新刊古今歲時雜詠卷第四十

新刊古今歲時雜詠卷第四十一

古詩

除夜

歲盡應制

梁庾肩吾

歲序已云禪春心不自安聊開百葉酒試奠五辛盤  
金薄啻神燕朱泥却鬼丸梅花應可折惜為雪中看

歲窮應教

薛道衡

故年隨夜盡初春逐曉生方驗從軍樂飲至入西京

守歲

唐太宗

暮景斜芳殿年華麗綺宮寒辭去冬雪暖帶入春風  
階馥舒梅素盤花卷獨紅共歡新故歲迎送一

中





太原召侍臣賜宴守歲

四時運灰琯一夕變又冬春送寒餘雪盡迎歲早梅新

守歲

歲陰窮暮紀獻節啟新芳冬盡今宵促年開明日長  
冰銷出鏡水梅散入風香對此歡終宴傾壺待曙光

同前

高宗

今宵冬律盡來朝麗景新花餘凝地雪條含暖次分  
綬吐牙尤嫩水臺已鏤津薄紅梅色冷淺綠柳輕春  
送迎交兩節暄寒變一辰

奉和守歲應制

許敬宗

玉琯移玄序金奏賞彤圍祥鸞歌裡轉春燕舞前歸

壽爵傳三禮燈枝麗九微運廣薰風積恩深湛露晞  
送寒終此夜延宴待晨暉

西京守歲

駱賓王

閑居貧言宴獨坐倦風塵忽見嚴冬盡方知列宿春  
夜將寒色去年共曉光新耿々他鄉夕無由展舊親

歲夜安樂公主滿月侍宴沈佺期

除夜子星迴天孫滿月孟詵歌麟趾合簫管鳳鵠來  
歲炬常然桂春盤預折梅聖皇千萬壽垂曉御樓開

守歲應制

南渡輕冰解渭橋東方樹色起招搖天子迎春取今  
夜王公獻壽用明朝殿上燈人爭烈火宮中子亂



驅妖宜將歲酒調神藥聖祚千春萬國朝

守歲待宴應制

杜審言

季冬除夜接新年帝子王臣捧御筵宮閣星河低拂  
樹殿庭燈燭上薰天彈絃奏管梅風入對局探鈎栢  
酒傳欲向元正歌萬壽暫留歡賞寄春前

除夜有懷

故節當歌守新年把燭迎冬氛戀虬箭春色候雞鳴  
興盡聞壺覆宵闌見斗橫還將萬億壽更謁九重城

歲夜安樂公主滿月侍宴應制

戚畢生昌胤天杯宴重臣畫樓初滿月香殿早迎春  
聖作堯君寶孫謀梨國珎明朝元會日萬壽樂章陳

欽州守歲

張說

故歲今宵盡新年明旦來愁心隨斗柄東北望春迴

岳州守歲三首

除夜清樽滿寒庭燎火多舞衣連臂拂醉坐合聲歌  
至樂都忘我冥心自委和此年今已度來歲知如何  
夜風吹醉舞庭火對酣歌愁逐前年去歡迎今歲多  
桃及堪辟惡竹爆妙驚眠歌舞留今夜猶言惜舊年

除夜作

高適

旅館寒燈獨不眠客心何事轉悽然故鄉今夜思千  
里愁鬢明朝更一年

歲除夜樂城張少府宅作二首



孟浩然

雲海訪甌閩風濤泊島濱何知歲除夜得見故鄉親  
予是乘桴客君為失路人平生復能幾一別十餘春  
疇昔通家好相思無間然續明催画燭守夜接長筵  
曲梅生唱新正栢酒傳客行隨處樂不寬度年

歲除夜有懷

五更鐘鼓欲相催四氣推遷往復迴帳裏殘燈猶有  
燭爐中香氣盡成灰漸看春逼芙蓉枕頓覺寒銷竹  
葉杯守歲家、看不卧相思那得夢魂來

除夜樂城逢孟浩然 張子容

遠客襄陽郡來過海畔家樽開栢葉酒燈發九枝花

妙曲逢盧女高才得孟家東山行樂意非是競繁華

除日

臘月今朝晦流年此夕除拾樵供歲火帖牖作春書  
柳竟東風至花疑小雪餘忽逢雙鯉贈言是上冰魚

杜位宅守歲

杜甫

守歲阿咸家椒盤已頌花盞簪喧樞馬列炬散林鴉  
四十明朝過飛騰暮景斜誰能更拘束爛醉是生涯

除日

韋應物

思懷耿 昨季月已云暮忽驚年復新獨恨人成故  
冰池始泮綠梅援還飄素淑景方轉延朝、自難度

除夜宿石橋館

戴叔倫



旅館誰相問寒燈獨可親  
一年將盡夜萬里未歸人  
寥落悲前事支離笑此身  
愁顏與衰髮明日去逢春

歲除日奉推事使牒赴撫州辯對留別  
崔法曹陸太祝處士上人同賦人字口號

上國香未到流年忽復新  
迴車不自識君定送何人

建中癸亥歲奉天除夜宿武當山北茅平村

歲除日又暮山險路仍新  
駭傳迷深谷瞻星記北辰  
古亭聊假寐中夜忽逢人  
相問皆嗚咽傷心不待春

歲夜雪中喜魏萬成郭廈相尋

劉長卿

新年欲變柳舊客共沾衣  
旅夜猶難尋鄉春又獨歸

寒燈映虛牖暮雪掩閑扉  
旦暮乘船去平生相訪稀

嶺外守歲

李福業

冬去更籌盡春隨斗柄迴  
寒暄一夜隔客髮兩年催

除夜書情

周弘亮

何處風塵歲雲陽古驛前  
三冬不再夜曉日又明年  
春入江南柳寒歸塞北天  
還傷知候客花景對韋編

故鄉除夜

三百六十日已終故鄉還  
與異鄉同非惟律變情堪  
恨柳亦才疎命未通何處  
夜歌銷臘酒誰家高燭候  
春風詩成始欲吟將看早  
是去年牽諫中

除夜長安客舍

歐陽詹

十上書仍寢如流歲又遷望家思獻壽筭甲恨增年  
虛牖傳寒柝孤燈照絕編誰應問窮輒泣盡更潛然  
莫歎明朝又一春相看堪共貴茲身悠々寰宇同今  
夜膝下傳杯有幾人

守歲

盧同

年去留不得年來也任他當炉一榼酒爭奈兩年何  
老來經節臘樂事甚悠々不及兒童日都盧不解愁

除夜

衰殘歸未遂寂寞此宵情舊國餘千里新年隔數更  
寒猶近北峭風漸向東生誰見長安陌晨鍾度火城

殷勤惜此夜此夜在逡巡燭盡年還別雞鳴老更新  
籬聲方去病酒色已迎春明日持盃處誰為最後人

除夜悼亡

元稹

憶昔歲除夜見君花燭前今宵祝文上重疊叙新年  
閑處低聲哭空堂背月眠傷心小男女撩亂火堆邊

除夜酬樂天

引籬綏旆亂毳戲罷人歸思不堪虛漲火塵龜浦  
北無由阿傘鳳城南休官期限元同約除夜情懷老  
共諳莫道明朝始添歲今年春在歲前三

除夜宿洺州

白居易

家寄關西住身為河北遊消條歲除夜旅泊在洺州



除夜寄弟妹

感時思弟妹不寐百憂生  
萬里經年別孤燈此夜情  
病容非舊日歸思逼  
新正早晚重歡會  
羈離各長成

客中守歲在柳家庄

守歲樽無酒思鄉淚滿巾  
始知為客苦不及在家貧  
畏老偏驚節防愁預惡春  
故園今夜裏應念未歸人

除夜二首

薄晚支須坐中宵枕臂眠  
一從身去國再見日周天  
老度江南歲春拋渭北田  
潯陽來早晚明日是三年  
歲暮紛多思天涯渺未歸  
老添新甲子病減舊容輝  
鄉國仍留念功名已息機  
明朝四十九應轉悟前非

和微之除夜作

君賦此詩夜窮陰歲之餘  
我和此詩日微和春之初  
老知顏狀改病竟支體虛  
頭上毛髮短口中牙齒踈  
一落老病界難逃生死墟  
况此促々世與君多索居  
君在浙江東榮駕方伯輿  
我在魏闕下謬乘大夫車  
妻兒常各飽奴婢亦盈廬  
唯是利人事比君全不如  
我統千郎官君領百吏胥  
我掌四曹局君管十鄉閭  
君為父母君大惠在資儲  
我為刀筆吏小惡乃銖鋤  
君提七郡籍我按三尺書  
俱已佩金印嘗同趨玉除  
外寵信非薄中懷何不攄  
恩光未報答日月空居諸  
磊落嘗許君跼促應笑予  
所以自知分欲先歌歸歎



除夜寄微之

鬢毛不覓日，一事無成百不堪。共惜盛時辭闕下，同嗟除夜在江南。山泉石尋常憶世路，風波子細諳。老校於君合先退，明年半百又加三。

除夜

病眼少眠非守歲，老心多感又臨春。火銷燈盡天明後，便是平頭六十人。

歲除夜對酒

衰翁歲除夜，對酒思悠然。草白經霜地，雲黃欲雪天。醉依<sup>烏昏</sup>香枕坐，慵傍暖爐眠。洛下閑來久，明朝是十年。

三年除夜

晰晰燎火光，氤氳酒香。啍啍童稚戲，迢迢歲夜長。堂上書帳前，長幼合成行。以我年最高，次第來稱觴。七十期漸近，萬緣心已忘。不惟少歡樂，兼亦無悲傷。素屏映居士，青衣侍孟光。夫妻老相對，各坐一繩床。  
顧虎頭畫摩居士圖，惟白衣素屏也。

除夜言懷兼贈張常侍

三百六旬今夜盡，六十四年明日催。不用歎身隨日老，亦須知壽逐年來。加添雪興憑檀帳，消殺春愁付酒盃。唯恨詩成君去後，紅箋紙卷共誰開。

歲暮

窮陰急景暗相催，壯韶顏去不迴。舊病重因年老

發新愁多待夜長  
來膏明自熱緣多事  
鴈默先烹為  
不才禍福細尋無  
會處不如且進手中盃

歲夜詠懷兼寄思黯

遍數故交親  
何人得六旬  
與思黯夢得數待還今年  
已入手餘事  
豈閑身老自無多興  
春應不揀人  
陶憲與弘閣風景一時新

歲夜詠懷

劉禹錫

彌年不得意  
新歲又如何  
念昔同游者  
而今有幾多  
以閑為自在  
將壽補蹉跎  
春色無情故  
幽居亦見過  
樂天夢得有歲夜詩聊以奉和

牛僧孺

惜歲今盡少年應  
不知淒涼數流輩  
歡喜見孫兒  
暗減渾身力  
潛添滿髮絲  
莫愁花笑老  
花自幾多時

奉和劉賓客二十八丈歲夜詠懷

盧貞

文翰走天下  
琴樽臥洛陽  
貞元朝士盡  
新歲一悲涼  
名早緣才大  
官遲為壽長  
轉來知病已  
莫歎步趨芳

除夜

王湮

今歲今宵盡  
明年明日催  
寒隨一夜去  
春逐五更來  
氣色空中改  
容顏暗裏迴  
風光人不覓  
已著後園梅

除夜長安作

李京

長安朔風起  
窮巷掩雙扉  
新歲明朝是  
故鄉何路歸





鬢絲饒鏡色，藻雪奪燈輝。却羨秦州鴈，逢春盡北飛。

鄂渚除夜書懷

來鵬

鸚鵡洲頭夜泊，舡此時形影共。淒然難歸故國，干戈後欲告何人。雨雪天筋撥冷，灰書悶字枕陪寒。席帶愁眠自嗟落拓，無成事明日春風又一年。

訓劉谷除夜見寄

李郢

坐恐三更至，流年此夜分。客心無限事，愁雨不堪聞。灞上家殊遠，爐前酒暫曛。劉郎亦多恨，詩憶故山雲。

隋宮守歲

李商隱

消息東郊木，帝迴宮中行。樂有新梅沉，香夾前為庭。燎玉液瓊蘇，作壽盃遙望。露盤疑是月，遠聞鼙鼓欲。

驚雷昭陽第一，傾城客不踏金蓮。不肯來。

訓李紱歲除送酒

雍陶

歲盡貧心事，須就中深恨。酒錢無故人，充壽能分送。遠客消愁免自沽，一夜四乘輕錯落。五更三點把屠蘇，已供時節深。珍重况許今朝更，挈壺。

共佳人守歲

劉綺莊

桂華窮北陸，荆艷下東隣。殘粧欲送晚，薄衣已迎春。舉袖爭流雪，分歌競繞塵。不應將共醉，年去遠催人。

巴山道中除夜書懷

崔塗

迢遞三巴路，羈危萬里身。亂山殘雪夜，孤燭異鄉春。漸與骨肉遠，轉於僮僕親。那堪正漂泊，明日歲華新。



途中除夜

高蟾

南北游萍跡年華又暗催  
殘燈和臘盡曉角帶春來  
鬢欲漸侵雪心仍未肯  
灰金門舊知己誰為脫塵埃

除夜作

薛能

和吹度宮旻虛徐接建寅  
不辭加一歲唯喜到三春  
燎照雲煙好幡懸井邑新  
禎祥應北極調燮驗平津  
樹欲含遲日山將退舊塵  
蘭姜殘此夜竹爆和諸隣  
祝壽思明聖駭儼看鬼神  
團圓多少輩眠寢獨勞筋  
苗柳尤双節雕盤又五辛  
何當平賊後歸作自由身

和曹侍御除夜有懷

有病無媒客多滯亦太踈  
自怜成叔夜誰與薦相如

嗜退思年老諳空笑歲除跡  
閑過寺宿頭暖近階梳  
春立窮冬後陽生舊物初  
葉多庭不掃根在迳新鋤  
日事終歸彼心情倦老於  
斲材須見像藏劍豈為魚  
効淺慚尸祿恩多負辟書  
酬知必擬共勿使浪躊躇

除夜

曹松

舊曆不足卷東風  
還坐聞一宵尤幾刻  
兩歲欲平分  
臘盡傾時斗春通  
綻處雲明朝遙捧酒  
光合祝吾君

江外除夜

千門庭燎照樓臺  
揔為年光急催  
半夜臘因風卷  
去五更春被角吹來  
寧無好鳥思花發  
應有游魚待凍開  
不是名歧漸平穩  
誰能呼酒祝昭回



旅舍除夜

皮日休

永夜誰能守，羈心不放眠。  
挑燈尤故歲，聽角已新年。  
出谷空嗟晚，銜盃尚愧先。  
曉來辭逆旅，雪涕野槐天。

除夜

方干

五更斯須即達晨，四時吹轉任風輪。  
寒燈短燭方燒，贈畫角殘聲已報春。  
來日便為經歲客，明朝尤是少年人。  
新正定數隨年減，浮世應難百遍新。

歲盡日二首

司空圖

莫話傷心事，投春滿髮霜。  
殷勤共樽酒，今歲只殘陽。  
明日添一歲，端憂奈爾何。  
冲寒出洞口，尤放夕陽多。

歲除夜對王秀才作

韋莊

我惜今宵促，君愁玉漏頻。  
豈知新歲酒，尤作異鄉身。  
雪向寅前凍，花從子後春。  
到明追此會，俱是隔年人。

除夜

羅隱

官曆行將盡，村醪強自傾。  
獸寒思暖律，畏老惜殘更。  
歲月已如此，寇戎尤未平。  
兒童不諳事，歌吹待天明。



新刊古今歲時雜詠卷第四十二

今詩

除夜

和子由除日

東坡

薄官驅我西遠別不容惜方愁後會遠未暇憂歲夕  
強歡須有酒冷酌不成席秦烹惟羊羹隴饌有熊腊  
念為兒童歲屈指已成昔往事今何追忽若箭已釋  
感時嗟事變所得不償失府卒未驅讎矍鑠驚遠客  
愁來豈有悵玉盞何時柝不憂春艷晚行見弃皮核  
人生行樂爾安用聲籍胡為獨多感石火膏自炙  
詩來苦相寬子意遠相射依依見其面疑子在咫尺



兄今雖小官幸忝佐方伯北池近所鑿中有硯水碧  
臨池飲美酒尚可消永日但恐詩力弱閑健未免馘  
詩成十日到誰謂十日隔一日寄一篇憂愁何足擲

除夜病中呈喬太傅

龍鍾三十九勞生已強半歲暮日斜時還為昔人歎  
樂天詩云行年三十歲暮日斜時今年一線在那復堪把玩欲起強  
持酒故交雲雨散惟有病相尋空齋為老伴蕭條燈  
火冷寒夜何時旦勸僕觸屏風飢艱嗅空案數朝閑  
閣卧霜髮秋蓬亂傳聞使者來策杖就梳盥書苦來  
安慰不怪造請緩大夫忠烈後高義金石貫要當擊  
權豪未肯覩衰懦此生何所似暗盡灰中炭歸田計

已決此邦聊假館三徑粗成資一枝有餘煖願君更  
信宿庶奉一笑粲

除夜大雪留濰州元日早晴遂行中塗  
雪復作

除夜雪相留元日晴相送東風吹宿酒瘦馬兀殘夢  
瓊瓏曉光開旋轉餘花弄下馬成野酌佳哉誰與共  
須臾曉雲合亂滿無缺控鷺毛垂馬鬣自怪騎白鳳  
三年東方旱逃戶連欵棟老農釋耒歎淚入飢腸痛  
春雪誰云晚春麥尤可種敢怨行役勞助爾歌飯甕

守歲

欲知垂盡歲有似赴壑蛇修鱗半已沒去意誰能遮



况欲繫其尾雖勤知奈何兒童強不睡相守夜謹謹  
晨雞且勿唱更鼓畏添搗坐久燈燼落起看北斗斜  
明年豈無年心事恐蹉跎努力盡今夕少年尤可誇

除夜過吳江

東南勝處未忘情老去扁舟復此行小邑歲除無市  
井下田水落見農耕雪消西嶺嶒峻出春到平湖鱗  
甲生橋下雙蛟耽睡美欲搥千鼓作雷鳴

除夜野宿常州城外二首

行歌野哭兩堪悲遠火低星漸向微病眼不眠非守  
歲鄉音無伴皆思歸重衾脚冷知霜重新沐頭輕感  
髮稀多謝孤舟一夜許相依

南來三見歲云徂直恐終身走道塗老去怕看新曆  
日退歸擬學舊桃符煙花已作青春意霜雪偏尋病  
客髮但把窮愁博長健不辭畏後飲屠蘇

僕年三十九在潤州道上過除夜作此詩  
又二十年在惠州錄之以付過二首

寺官官小未朝參紅日半窓春睡酣為報隣雞莫驚  
竟更容殘夢到江南  
釣艇歸時菖葉兩縹車鳴處揀花風長江昔日經遊  
地盡在如今夢寐中

除夜訪子野食燒芋戲作山人謂李泌也

松風溜溜作春寒伴我飢腸响夜闌牛糞火中燒芋



子。山人更喫懶殘。

除日寄仇池

黃門

一歲不復居一日安足惜人心畏增年對酒語終夕  
夜長書室幽燈燭明照席盃盤雜梁楚羊炙渾魚腊  
庖人饌雞兔家味宛如昔有懷岐山下展轉不能釋  
念同去問里此節三已失初來寄荆渚魚鴈賤宜客  
楚人重歲時爆竹鳴磔々新春始涉五田凍未生麥  
相携歷唐許花柳漸牙圻居梁不柰貧投杞避糠覈  
城南庠齋靜終歲守墳籍酒酸未嘗飲牛美每共炙  
謂言從明年此會可懸射同為洛中吏相去不盈尺  
濁醪幸分季新筍可餉伯嶺躡嵩山美漾々洛水碧

官閑得相從春野玩朝日安知書閣下羣子並遭馘  
偶成一朝榮遂使千里隔何年相會歡逢節勿輕擲

益昌除夕感懷

永漏侵春已數籌地爐尤擁木綿裘無心豈畏三尸  
訴愛日還驚一歲休故國二千空醉眼新年三十恰  
平頭光陰未用相敦迫領取衰翁兩鬢秋

醉宿定國東齋

歲晚城東故相家夜聽簾外落瓊花醉眠東閣銀缸  
暗起視中庭風竹斜魯酒近來無柰薄秦聲別後苦  
聞誇思君勸對南湖飲歸去紛如日暮鴉

除夕



患難思年改龍鍾惜歲徂閔河先壠遠天地小臣孤  
吾道憑溫酒時情付擁爐南荒足妖怪此日謾桃符

次韻蜀公丙辰除夜

數舉除夜酒稍消年少豪浮光寄流水妙理付濁醪  
微陽未出土大雪飛鵝毛試問冰霜勁春來能久牢

次東坡守歲韻

於菟絕繩去顧免追龍蛇奔走十二年羅網不及遮  
嗟我地上人豈復柰尔何未去不自閑將去迺喧譁  
天上驅獸官為君豈停撾魯陽揮兵戈日車果再斜  
洒酒勸尔醉期尔暫蹉跎階醉遣尔去壽考自足誇

和子淵除夜

緹室重飛玉瑄灰物華全與斗杓回依、殘臘無情  
別歷、新春滿眼來強取酒卮浮翠栢懶闕棕葉覓  
楊梅男兒努力平生志昔使功名落草萊

除日寄舍弟

王介甫

一樽聊有天涯憶百感翻然醉裏眠酒醒燈前猶是  
客夢回江北已經年佳時流落真何德勝事蹉跎只  
可憐惟有到家寒食在春風因泛瀨溪舩

除日

爆竹聲中一歲除春風送暖入屠蘇千門萬戶曠  
日總把新桃換舊符





歲除

宋景公

彫節真如借。良宵此向闌。家儲宿歲酒。鄉送大儺寒。舊卉回新物。來情續往歡。念餘幾刻。催具五辛盤。

守歲

已覓新杓動。猶聞促漏餘。夜寒窮臈尾。春色併年初。事往成追計。身羈况索居。明朝為壽酒。無柰故人踈。

除夕二首

一杯芳酒夜分天。萬慮勞勞耿不眠。明日新春到何處。菱花影裏二毛邊。

曆尾無餘日。更籌促曙躔。持愁勝殘歲。將老入新年。

除夕與家人飲

梅聖俞

莫嫌寒漏盡。春色來應早。風開玉砌梅。薰歇金爐草。稚齒喜成人。白頭嗟更老。年華个裏催。清鏡寧長好。

和歲除日

一年三萬六千刻。玉漏惟餘十二時。去日苦多誰會惜。殘陰全少頗寧知。已驚顏貌徐。改不奈烏蟾。冉冉馳萬國。明朝賀新歲。東風依舊入春旗。

除夜雪

擊鼓人驅鬼。漫天雪送寒。臈從今日盡。花作舊年看。著樹多還墮。隨風積更乾。明朝預王會。畏濕兩梁冠。

除夜

陳無已

七十已強半。所餘能幾何。懸知莫景促。更覓後生多。



遁世名為累，留年睡作魔。西歸端著便，老子不婆娑。

除夜對酒贈少章

歲晚身何託，燈前客未空。半生憂患裏，一夢有無中。  
髮短愁催白，顏衰酒借紅。我歌君起舞，潦倒畧相同。

次韻晁無斁除日述懷

世學違從衆，名家最近天。感時尤壯志，得句起衰年。  
素酒無何飲，陶琴不具絃。平生揮翰手，幾見絕韋編。

奉和聖製除夜二首

晏如

祕掖楯軒嚴，萬戶慶霄躔。次會三辰丹闈肅，穆尤凝  
夕。佳氣葱籠漸報春，調歷自將穹厚永。聖辭常與歲  
時新。送寒旁磔迎和令，率土羣生仰昊昊。

珠躔回碧落，絳燎燭青規。瑣闥瓊籤度，曾臺玉漏移。  
納新皇澤普，順節聖情怡。萬宇長安陌，鄉儺集此時。

和三兄除夜

星漢回曾宙，墳簏集上都。夜寒疑爆燎，春氣入屠蘇。  
九陌傳珂乘，千門促漏壺。此時開棣宴，仍在碧城隅。

次韻和致仕陳相公除夜

從來歲除詠，託諷情非一。公在維師年，久諧歸政逸。  
辛盤具芳郁，栢酒澄嘉粟。尤馭賀車煩，晨門効圭臬。

除夜陽口舟中

賈崇儀

一筭節律今，還盡猶向天涯。寄客舟，巫舍箏竿喧竹  
塢。漁家燈火傍沙洲，殷勤共敬新桃梗。弃廢堪嗟舊



曆頭守歲通宵欲無寐煎茶幾啜淥茗甌

除夜

宋龍圖

嚴城沉夜景殘曆極年華遞箭迎春漏稱觴待早衙  
眾歡讎順俗孤睡夢縈家侍吏持官燭供餚欲膠牙

除夜呈抑之

白子儀

逸景運寒燠良辰徒送迎冬權訖昏暮歲籥改黎明  
華髮任踈颯宿心無變更唯憑一樽酒時得慰勞生

和除夜

崔正言

黎明即新歲何惜夜馱臆酒煖留客曉燈殘隔簾  
聽音知律變望斗記寅占待得清風動日長宮線添

除夜宿黃沙館書懷

張少愚

窮年撫劍獨無眠世路危疑倦往還夜半無人殘月

白狐鳴梟嘯滿空山

歲窮雨夜獨卧山齋

歲晏雲深誰與遊崑房終夜雨如秋不知海上三山  
夢何似人間萬戶侯

除日萬州臨江亭

白雲先生

南浦逢除日天涯有去舟蠻城和雨閉峽水帶春流  
不負新年感惟多故國愁寧無賀親酒徒此事羈囚

除夜病中懷古

東溪先生

風流罪過不須文甘抱沉痾為苦人酒力入觴偏感  
興花光搖目自傷春沈郎多病愁消骨宋玉新辭咏



切隣自古多情皆不免不才何幸繼芳塵

除夜書懷

病体孟盤馱自親矮童烹葯過除陳  
蔗箕今夜啼三匝齒髮明朝滿四旬  
奉足便侵知命境空奉已失少年  
身絲毫世事無如意例作新添一歲人

除夜

爆竹驚山鬼呼鴉唱蔗箕巷歌喧  
鼓面野舞祝蠶絲少壯殘更夢矜  
視曉鏡鬢明朝恐添歲沉醉免聞知

新刊古今歲時雜詠卷第四十三

古詩

正月

正月三日歸溪上有作簡院內諸公

杜甫

野外堂依竹籬邊水向城蟻浮仍膈味  
鷗泛已春聲藥許隣人書從稚子擎  
白頭趨幕府深覓負平生

正月三日閑行

白居易

黃鸝巷口鶯欲語烏鵲河頭冰欲銷  
黃鸝坊名綠浪東西南北水紅欄  
三百九十橋蘇之官橋大數鴛鴦  
蕩漾雙翅楊柳交加萬條借問春風  
來早晚祇從今日到明朝



遊斜川作并序

陶潛

辛酉歲正月五日天氣澄穆風物閑美與二三隣曲  
同遊斜川臨長流望層城魴鯉躍鱗於將夕水鷗乘  
和以翻飛彼南阜者名實舊矣不復乃為咨嗟若夫  
層城旁無依接獨秀中臯遙想靈山有愛喜名欣對  
不足率爾共賦詩悲日月之遂往悼吾年之不留各  
疏年紀以記其時

開歲倏五十吾坐行歸休念之動中懷及晨為茲遊  
氣和天惟澄班坐依遠流弱湍馳文魴閑谷矯鳴鷗  
迴澤散遊目緬然睇曾丘雖微九重秀顧瞻無匹儔  
提壺接賓客引滿更獻酬未知從此去當復如恐不



此處缺二葉

世網留三面真源寄一杯因聲謝猿鳥歲宴會歸來

正月閨情

正月金閨裏微風繡戶間曉魂伶別夢春思逼啼顏  
遠砌梅堪折當軒柳未攀歲華應北上何日度陽關

大樂府正月詩淮南王好道正月 辛

八公來降王歌曰

煌煌者天照下土兮知我好道公來下公將與余兮  
生毛羽兮起騰青雲蹈梁觀瑤光兮過北斗兮馳乘  
風使玉女兮含精吐氣芝草嚼悠將天相保

十二月歌正月

春風尚蕭條去故來入新苦心非一朝折楊柳愁思



滿腹中曆亂不可數

今詩

正月

正月二日與廣淵同出南薰門分趙齋  
官塗中成 温公

並轡出都門葱龍日欲昕野寒餘宿雪樹暗濕春雲  
稍望郊原近先憂馬首分一朝猶戀、可復久離羣

正月五日大雪晴有感 張文潛

平生對雪須千首何事今春無片詞老大怯寒惟泥  
酒窮愁須醉不吟詩潤催庭柳將開眼冷送江梅欲  
別枝何處高楼有殘白舊游無處寄相思

正月六日

楊柳梢青臘雪銷東風猶帶曉寒驕新年時節花傳  
信去鵲星霜斗轉杓來共春煙晴冉、洒隨疎雨泪  
蕭、蛾眉不廢年華改縱有遺魂不可招

正月六日雪齋 曾子固

雪消山水見精神滿目東風送早春明日杏園應爛  
漫便須期約看花人

正月八日招王子高晚飲 東坡

雪屋號風苦戰貧紙窓迎日稍知春正如蒼筤林中  
坐更對芙蓉城裏人。昨想玉堂空冷澈誰分銀榼送  
清醇海山知有東南角正看歸鴻作小顰



正月八日早寒

張文潛

濃澹春雲夜雨乾，寂寥庭院袂衣寒。  
無人為發樽前笑，但把梅花似舊看。

正月十日五更夢中

梅聖俞

今年花似去年新，去年人比今年老。  
我勸厚地一盃酒，收拾白日莫苦早。

正月十日雪晴

張文潛

西窓融雪飄如雨，故與新春作薄寒。  
昨夜雁聲渾向北，夢魂隨去過關山。

正月十八日觀田家春作

梅聖俞

田家春作日，近丹杏破類場圃。  
頭南嶺禽過北嶺，叫高田水入低田。  
流桑牙將綻，霧露裛蚕子未浴。  
箱篚收，今我還朝固不遠。  
紫宸已夢瞻珠旒。

正月二十日與潘郭二生出郊尋春

東坡

亂山環合水侵門，身在淮南盡處村。  
五畝漸成終老計，九重重新掃舊巢。  
痕豈惟見慣沙鷗熟，已竟來多釣石溫。  
長與東風約今日，暗香先返玉梅魂。

六年正月二十日復出東門仍用前韻

東風未肯入東門，走馬還尋去歲村。  
人似秋鴻來有信，事如春夢了無痕。  
江城白酒三盃釀，野老蒼顏一





笑温已約年：為此會故人不用賦招魂

正月二十一日病後述古邀往城外尋春

屋上山禽苦喚人。檻前水沼忽生鱗。老來厭逐紅裙醉。病起空驚白髮新。卧聽使君鳴鼓角。試呼稚子整冠巾。曲檻幽榭終寒窘。一看郊原浩蕩春。

正月二十一日雪中赴宿懷隣幾原甫

梅聖俞

正月東都雪多於舊臘時酒賓臨迫閣野客集枯枝。馬向西城度夜從。上苑遲劉郎與江叟相對定爭棋。

正月二十五日小疾在告是日苦寒 三首

張文潛

黃草岡頭薺麥長春陰蔽日午風狂山前梅落無人

見只有幽禽啼暗香

春色三分有尚多且饒芳草占高坡門前柳色如彭

澤爭奈陶君止酒何

余方病止

見說櫻桃已爛開坐愁風雨苦相催自怜華髮傷春色兩見飛花未放回

閏正月二十五日送客尋春集裴氏園

宋景公

尋春送客共留連。雨罷春郊物。妍黃抹柳梢。初徧後紫粘花萼。未開前朋衿。自為交驩慘。醉尊誰能辨。聖賢猶賴斜陽催。跋馬不然離恨損。絲絃。

正月二十六日同子華相公遊王太尉園

溫公

閑說名園乘興來，小桃繁艷間寒梅。  
主人千里司宮鑰，寂寞殘英委綠苔。

古詩

二月

二月一日作贈韋七庶子 白居易

園杏紅萼坼庭蘭，紫華出不覓春已深。  
今朝二月一去冬，病瘡痛將養，遵醫術。  
今春入道場，清淨依僧律。嘗聞聖賢語，所慎齋與疾。  
遂使愛酒人，停盃一百日。明朝二月二，疾平齋復畢。  
應須挈一壺，尋花覓庶七。

二月五日花下作

二月五日花如雪，五十二人頭似霜。  
聞有酒時須笑樂，不閑身事莫思量。  
羲和趁日沈西海，鬼伯驅人葬北邙。  
祇有且來花下醉，從人笑道老顛狂。

五言慈恩寺二月半寓言一首

杜甫

二月韶春半，三空霽景初。  
猷來應有受，滅盡競無餘。  
花迹傳宮寺，歸誠謁梵居。  
殿堂花覆席，觀閣柳垂疏。  
共命枝間鳥，長生水上海。  
問津窺法鏡，迷路得真車。  
行密樂開靜，談精俗態祛。  
稻麻欣所遇，蓬稗愴焉如。  
不駐秦京陌，還題蜀郡輿。  
愛離方自此，迴望獨躊躇。



二月十五日櫻桃盛開自所居躡履吟  
玩競名王澤章洋才 温庭筠

曉竟籠煙重春深染雪輕靜應留得蝶繁欲不勝鶯  
影亂晨飈急香多夜雨晴似將千萬恨西北為卿

二月二十二日撫州如歸館雨中有懷  
簡諸朝客 韓偓

悽、惻、又微嘖欲話羈遊憶故人薄酒旋醒寒徹  
夜好花虛謝雨藏春自怜海上為逋客猶喜天涯寄  
侍臣未必交情繫貧富蓬門自古少車塵

一春惆悵殘三日醉問周郎憶得無柳絮送人鶯勸  
二月二十八日贈周判官

酒去年今日到東郊

二月晦留別鄴中友人 賈島

立馬柳花裏別君當酒酣春風漸向北雲雁不飛南  
明曉日初一今年又月三鞭羸去暮色遠岳起煙嵐

二月奉教作 李嶠

柳陌鶯初囀梅梁燕始歸和風泛紫若柔露濯青薇  
日艷臨花影霞翻入浪暉乘春重遊豫淹賞玩芳菲

二月樂遊詩 郭元振

二月芳遊始開軒望晚池綠蘭日吐葉紅葢向盈枝  
柳色行將改君心幸莫移陽春遽多意惟願兩人知

二月閨怨

二月韶光好春風香氣多園中花巧笑村裏鳥能歌  
有恨離琴瑟無情看綺羅更聽春燕語妾亦不知他

憶長安十二詠

鮑防

憶長安二月時玄鳥初至禰祠百轉官鶯綉羽千條  
御柳黃絲更有曲江勝地此來寒食佳期

狀江南十二月每句須一物形狀

謝良輔

江南仲春天細雨色如煙絲為武昌柳布作石門泉

柳州二月榕葉落盡偶題柳宗元

官情羈思共悽悽春半如秋意轉迷山城過雨百花  
盡榕葉滿庭鶯亂啼

河南府試二月樂辭

李賀

飲酒採桑津宜男草生蘭笑人蒲如交劍風如薰勞  
勞胡燕怨酣春薇帳追烟生綠塵金翅裁髻愁暮雲  
沓颯起舞真珠裙津頭送別唱流水酒客背寒南苑死

仲月賞花

韋同則

梅花似雪柳含煙南地風光膈月前挹酒且須判却  
醉風旒何必待歌筵

今詩

二月

二月一日作

東坡先生

柳影篁陰夾隱堂徙屏開戶納溪光香風帶月吹吟

帳野色和雲逼卧床。芳草不窮愁眼斷，落花無定夢魂忙。黃庭却老非無術，祇為多情染髮霜。

二月二日曉夢會於廬陵西齋作寄陳

適用

黃魯直

燕寢著炉香惜，閑窓闌夢到郡城。東談笑西齋月行樂，未渠央苦遭晴鳩妬。江郡梅李白士女嬉，城闕聞道潘河陽。滿城花秀發，頗留載酒車。共醉生塵襪，想見舞餘姿。風枝斜蔓髮，鄙夫不孝酒。春事亦可悅，雨足肥菌芝。沙暄饒笋蕨，海半壓風簾。野飯薰僧鉢，飽食愧公家。曾無助毫末，勸鹽惟新令。王政惇獨活，此邦談食信。陋深刺骨公，困積山丘賈。豎但圭撮

縣官恩乳哺，下吏用鞭撻。政恐利一源，未塞兎三窟。寄聲賢令尹，何道補黥刑。從來无研桑，願影偲簪笏。何須殿課上，解綬行采葛。

二月二日挑菜節天雨

張文潛

久將菘芥芣南羹，佳節泥深人未行。想見故園蔬甲好，一畦春雨轆轤聲。

正月久旱二月三日大雨

東溪先生

神潢敲日泮凝澌，一夜盆傾綠野脂。二月震雷差似早，三農愆雨已驚遲。柳疎零露鶯襟濕，花怯餘寒蝶夢知。風物只消纖數幅，恨無高藝似王維。

二月四日雪

梅聖俞



前日春風初擺條昨夜雪飛深一尺北帝及臆不行  
令東皇發煦遭尔厄侵時奪氣四時錯欲問上天何  
不責天高地厚語難通俛首下土徒叩額或言莫信  
難可聞鶴鳴至微猶不隔休問天問顏跖休看花看  
壟麥

二月五日雪

二月狂風雪寒威曉更加省闈輕妬粉苑樹暗添花  
有夢皆蝴蝶逢袍只紵麻凍吟誰料我相與睹流霞

二月五日折梅時值雨謝矣張文潛

江雲灑霽未全開東嶺微茫日色來獨犯輕寒踏春  
曉殷勤更折雨中梅

二月七日欲招客飲而風霾不果有作  
欲携佳客宴高堂園館春風又作狂樽挾冰霜餘意  
氣未分桃李好風光青山無賴藏雲岫綠水生波灑  
野塘不飲何妨閑燕坐閉門掃地獨焚香

二月九日感李花

梅聖俞

重門雖鎖春風入先折桃花後李花赤白聞妍思舊  
曲舊聲傳在五王家五王不見留華萼華萼壞來碑  
缺落當時李白欲騎鯨醉向江南曾不錯

二月十四日夜霜

欣：東園杏忽值春飛霜粲然彼繁英萎若出沸湯  
既能與之榮而復使之傷向來肅殺時已共百卉黃



今同草吐心不似草心長天理固難測誰要必其常  
依韻和通判二月十五日雨中

仲春月既望物候恰分中窓聽五更雨花開前日風  
詩成止酒後病怯牽盃空短髮雖然黑心如一老翁  
二月十五日雪三首

寒令奪春令六花侵百花塘冰膠燕觜野水湛芹芽  
擁柱輕於絮吹墀淨若沙乳禽飢啄木誰誤撥琵琶  
新雷奮蛇甲密雪閉鵝毛正欲裁輕縠重令著弊袍沙  
泉流復凍煙夢折還韜只待隣醅熟微聲聽酒糟  
春風九日一半已銷磨準擬看花少依稀詠雪多官  
車猶載炭抱鵲不離窠向此興都尽戴家誰復過

二月十五日

張文潛

春風揚塵春日白衡門向城人寂、淮陽三月桃李  
時街頭時有賣花兒老人卧隱起常晚欲強出遊心  
獨懶一樽美酒酬芳菲老大不及少年時

二月二十一日東園桃李未開有感二首

日恹東風正怒號小園寂、閉蓬蒿可悲春色如人  
事獨發玄都觀裡桃  
寄語玄都觀裡夜饒君繁麗奪朝霞劉郎想到長安  
日癸麥風前一歎嗟

二月二十四日館宿興宗舍後桃花盛

開偶書牖上

温公



金馬春寂、濃桃隨意開夕風零落盡不待主人來  
二月三十日與同舍宴李氏園晚歸馬  
上賦詩

門前蹀躞金羈滿坐上連翩玉笋飛數尺遊絲留客  
醉一行春柳送人歸同邀勝友時難得重到名園花  
已稀莫惜芳辰賸行樂無端風雨橫相違

古詩

三月

三月五日陪裴大夫泛長沙東湖

上已餘風景芳辰集遶垆綵舟浮泛蕩綉轂下娉婷  
樓樹迴蕊循笙歌轉杳冥湖光迷翡翠草色醉蜻蜓

烏弄桐花日魚翻穀雨萍從今留勝會誰看尺蘭亭

三月十日流盃亭

李商隱

身屬中軍少得歸木蘭花盡失春期偷隨柳絮到城  
外行過水西聞子規

三月十八日雪中作

溫庭筠

芍藥薔薇語早梅不知誰是艷陽才今朝領得春風  
意不復饒君雪裡開

嘲三月十八日雪

三月雪連夜未應傷物華只緣春欲盡留着伴梨花  
三月二十日詔宴樂遊園 張說

樂遊形勝地表裏望郊宮北闕連天頂南山對掌中





皇恩貸芳月旬宴已成功魚戲芙蓉水鶯啼楊柳風  
春花看欲暮天澤戀無窮長袖招斜日流光待曲終  
三月二十四日宿曾峯館對花寄樂天

元稹

微月照相花月微花漠、怨澹不勝情低回拂簾幕  
葉新陰影細露重枝條弱夜久春恨多風清暗香薄  
是夕遠思君思君瘦如削但感事睽違非言官好惡  
奏書金鑾殿步屐青龍閣我在山館中滿地桐花落

郡縣三月下旬作

張又新

春事日已歇池塘曠幽尋殘終被獨墜初綠淺深  
偃仰倦芳褥顧步愛新陰謀春未及競夏物遽見侵

三月奉教作

李嶠

銀井桐花發金堂草色齊韶光愛日宇淑氣滿風蹊  
蝶影將花亂虹文向水低芳春隨意晚佳賞日無睽

三月閨怨

杜甫

三春時將盡空房妾獨居娥眉愁自結髮髮沒情梳

憶長安十二咏

杜奕

憶長安三月時上苑遍是花枝青門幾場送客曲水  
競日題詩駿馬金鞍無數良辰美景追隨

狀江南十二月每句須一物形狀

嚴維

江南季春天尊葉細如絃湖邊草作迳湖上葉如舡



河南府試三月樂辭

李賀

東方風來滿眼春花城柳暗愁幾人  
複宮深殿竹風起新翠無矜淨如水  
光風轉蕙百餘里暖霧驅雲撲天地  
軍裝宮妓掃娥淺搖錦旗夾城暖  
曲水飄香去不歸梨花落盡成秋苑

三月

韓偓

辛夷才謝小桃發踏青過後寒食前  
四時最好是三月一去不來惟少年  
吳國望遙江接海漢陵魂斷草連天  
新愁舊恨真無奈須就隣家瓮底眠

閏三月

三年皆一閏此閏勝常時莫怪花開晚  
須怜春盡遲

節分炎氣進律應暖風移夢得成  
蝴蝶芳華幸不遺

今詩

三月

三月四日玩園花小集

宋景公

中國愛客重游陪三月林花落復開  
鏤管喜傳吟處筆白波催卷醉時杯  
歡衿已快邀風度舞地猶寬放雪回  
不是年芳相假借使君兼乏斐然才

三月五日欲訪宋中道遇雪而止

梅聖俞

蝴蝶飛時雪閉輕滿街撩亂得人驚  
欲尋宋子東城去馬畏春泥不敢行



三月六日馬令送花

張文潛

未洗潯陽別淚痕江邊蘋芷不勝繁不知來歲在何處  
又對新花憶故園插帽每慚呼白髮飛香曾伴照  
清樽去年今日淮陽道落絮殘紅正斷魂

三月八日喜雨答李都官 宋景公

夜魄離星舍春膏決大田乍迷榆塞樹徐暗柳營天  
沼鎬銀波蕩階鳴玉綆聯餘萌催離土殘魁趣沉淵  
迥濕來鷺外斜寒去鴈邊莓滋野秀纂濯花妍  
戴響饒農笠眠聲羨釣舫罇雲時露日迷岫旋埋煙  
酌酒聊相勞斯倉貯有年勞君歌閔雨子志謝先賢  
春秋傳閔雨者有意于民也

三月十二日作時董氏欲為堂東築宅

張文潛

黃鳥聲中花已盡綠楊風外日何長柯家山下有幽  
室雲夢澤南非故鄉老病夾衣猶怯冷春深煮酒漸  
聞香本無智術爭榮辱只聞樽前身健強

次韻宋懋宗三月十四日到西池聞都

人盛觀蘇翰林出遊 黃魯直

金絨繫馬曉鶯邊不比春江上水舩人語車聲喧法  
曲花光樓影倒晴天人間化鶴三千歲海上看羊十  
九年還作遨頭驚俗眼風流文物屬蘇仙

和李廷老三月十四日

梅聖俞



三月日幾望士游溱水陽溱流已渙、有美此翱翔  
偶來適此願月色同滿床士曰陟少室女曰歸大梁  
及晨各異役悲喜競回觴芍藥有遺風贈好期不忘  
固匪子能逮是焉繼新章

次韻景彝三月十六日范景仁同飲還省宿

種桃依竹似仙家邀對春風共泛霞席上未觀舞  
鳳城頭已竟聚啼鴉匆、跨馬人歸首幕、生烟樹  
飲花稚子候門知我醉東方明月照扉斜

三月二十日開園三首

霜髯雪髮語僂獐淡蕩園林取次行要識將軍不凡  
處從來只啜小人羹

西園壯籥夜沉、尚有遊人卧砌陰鶴睡竟時風露  
下落花飛絮滿衣襟  
鬱、蒼然真道人絲、紅夢是鄉人何時翠竹江村  
路送我柴門月色新

三月二十四日聞鶯記臨汝時

張文潛

桃蹊李徑有埃塵寂、春陰蔽四隣落月半床幽夢  
斷隔窻芳樹語鶯新忽忘身是三年客便竟樓瞻二  
室雲佳境故人餘一夢懶將白髮望餘春

三月二十五日聞鴨鵝

雲夢澤南春欲還柯山鴨鵝曉關、幽人夢竟殷勤



聽落月西風尚薄寒

三月二十七日邀子駿堯夫賞花

溫公

今年節物非常晚春盡西街花尚多試問二三真率友小車籃舁肯重過

三月二十八日會不疑家席上紀實

召客客俱來賞花花正開寒暄方得所風雨不相催席上柳飛雪門前車隱雷主人意仍厚安得不徘徊

三月二十九日二首

東坡

南嶺過雲看紫翠北江風雨送淒涼酒醒夢回春盡日閉門隱几坐燒香

門外桃花猶的皜牆頭荔子已爛斑樹暗草深人靜處卷簾欹枕卧看山

新刊古今歲時雜詠卷第四十三



新刊古今歲時雜詠卷第四十四

古詩

四月

和微之四月一日作

白居易

四月一日天花稀葉陰薄  
泥新燕影忙  
蜜熟蜂聲樂  
麥風低冉，  
稻水平漠，  
芳節或蹉跎  
遊心稍牢落  
春華信為美  
夏景亦未惡  
颭浪嫩青荷  
熏欄晚紅藥  
吳宮好風月  
越郡多樓閣  
兩地誠可憐  
其奈久離索

奉和四月三日上陽水宮宴應制

孫逖

今日逢新夏  
歡遊續舊旬  
氣和先作雨  
恩厚別成春



鳳吹臨清洛龍輿下紫宸此中歌在薄  
還見躍潛鱗

四月十三日詔宴寧王亭子

張說

何許承恩宴山亭風日好綠嫩鳴鶴洲  
陰穠閑雞道果思夏來茂花嫌春去早  
行樂無限時皇情及芳草

四月十五日道室書事寄龍美

陸龜蒙

烏飯新炊藜臞香道家齋日以為常  
月苗杯奉存三洞雲蕊函開叩九章  
一掬陽泉堪作雨數株秋石欲成霜  
可中值暑雷平信為覓閑眠苦竹牀

同前

皮日休

望朝齋戒是尋常靜啓金根第幾章  
竹葉飲為甘露色蓮花鮓作肉芝香  
松膏背日凝雲磴丹粉經年染石牀  
剩欲與君終此志頑仙唯恐髮成霜

四月奉教作

李嶠

暄籥三春謝炎鍾九夏初潤浮梅雨  
夕涼散麥風餘葉暗庭帷滿花殘院  
錦踈勝情多賞託樽酒狎林筴

憶長安十二詠

立丹

憶長安四月時南郊萬乘旌旗嘗耐  
玉卮更獻含桃絲籠交馳芳草落花  
無限金張許史相隨

狀江南十二月每句須一物形狀

賈弇



江南孟夏天  
慈竹笋如編  
蜃氣為樓閣  
蛙聲作管絃

河南府試四月樂辭

李賀

晚涼暮涼樹如蓋  
千山濃綠生雲外  
依微香雨青氛  
氳賦葉蟠花照曲門  
金塘閑水搖碧漪  
老景沉重無  
驚飛墮紅殘夢暗參差

今詩

四月

和蔡樞密孟夏日西府書事

王介甫

宮闕初晴氣象饒  
寶車攢轂會東朝  
重輪慶自離明  
發內壤陰隨解澤  
銷賜籬外廷  
紛錦繡燕庖中  
禁續

新譙聯翩入賀知  
君意咫尺威顏不隔宵

四月一日同潘何小酌

張文潛

今辰一盃酒相屬  
送歸春明年東風至  
何憂復迎新  
懸知柯山下猶作未歸人  
來事如宵夢未至難預論  
且復飲此酒陶然付大鈞

孟夏二日通判太博惠庭花二十枝云

是手植因以為答

梅聖俞

前日已春盡夏卉抽嫩青  
唯君所植花餘紅猶滿庭  
常惜畏景逼贈未及飄零  
欲插為之醉但慙髮星星

四月三日張十遺牡丹二朶

已過穀雨十六日猶見牡丹開  
淺紅曾不爭先及春





早能陪芍藥到薰風

四月八日卜新居示過

東坡

朝陽入北林竹樹散疎影短籬尋文間寄我無窮景  
舊居纔一席逐客猶遭屏誅茅得茲地翳林卷永  
晚來微雨涼畦菊發新穎俯仰各有態何必謀二頃  
至和元年四月二十日夜夢蔡紫微君  
謨同在閣下食櫻桃蔡云與君及此再  
食矣夢中感而有賦竟而錄之

梅聖俞

朱櫻再食馭盤日紫禁重頒四月時  
澠朗天開雲霧閣依稀身在鳳凰池  
味兼芋酪何由敵豉下尊羹不

足宜原廟薦來應已久黃鶯猶在最深枝

四月二十日二首

張文潛

久將醉眼視羣兒只與傍觀作笑嬉賦芋祖公曾未  
悟牽絲木偶豈多時雲間炎暑人方畏地下微陰誰  
得知榮謝古今同此理老翁端坐但忘机  
十步荒園亦懶窺枕書小醉睡移時健如黃犢時無  
幾鉞似寒蠅老自知休惜飛馳春過眼但知強健酒  
盈卮枇杷著子紅榴綻正是清和未暑時

四月二十八日新熱奇仇池黃門

細莎為屨如編鬚輕葛為服如翦草寒泉洒屋朝露  
濡霜簟可薦机可扶風鳴牖間如吹竽此雖有暑宜亦



無庭前峻山槎之餘盆中養鰈大如魚荻生抱甲未  
見膚蔓起上屋將懸壺麥苗高齊可藏鳥此雖非野  
僅亦如兄居谿堂南山跌濯足溪水驚鴈息澄潭百  
文清無淤將往思我立踟躕東軒鄙陋何足居欲行  
不行繫轅駒

古詩

五月

五月旦作和戴主簿

陶潛

虛舟縱逸掉迴復遂無窮發歲若俛仰星紀奄將中  
明圃罕悴物北林榮且豐神萍寫時雨晨色奏景風  
既來孰不去人理固有終居常待其盡曲肱豈傷冲

遷化或夷險四志無窾隆即事如似高何必昇華嵩

五月一日紫宸候對時屬禁直穿內而

行因書六韻

鄭畋

朱夏五更後步廊三里餘有人從翰苑穿內入中書  
漏响飄銀箭燈光照玉除楚扉猶鎖鑰宮伎已粧梳  
紫府遊應似釣天夢不如塵埃九門外誰信在清虛  
五月六日發石頭城步望前舡示舍弟

兼寄侯郎

沈亞之

客子去淮陽蹉跎別夢長水關開夜鎖霧棹起晨涼  
烟月期同賞風波忽異行隱山曾撼櫓轉瀨指遙樞  
蒲葉錢刀綠筠筒楚粽香因書報司遠為我憶檀郎

五月九日

司空圖

金石皆銷鑠賢愚共網羅  
達從詩似倡狂竟哭勝歌  
高燕凌鴻鵠枯槎壁芰荷  
此中無別境此外是閑魔

五月奉教作

李嶠

綠樹炎氛滿朱樓夏景長  
池會凍雨氣山映火雲光  
果院新櫻熟花庭曙槿芳  
欲逃三伏暑還泛十旬觴

憶長安十二詠

嚴維

憶長安五月時君王避暑華池進膳甘  
瓜朱李續命  
芳蘭絲絲競處高明臺榭槐陰柳色通  
遶

狀江南十二月每句須一物形狀

樊珣

江南仲夏天時雨下如川  
蘆橘垂金彈甘蕉吐白蓮

仲夏齋戒月

白居易

仲夏齋戒日三旬斷腥羶  
自覓心骨爽行起身翩  
始知絕粒人四体更輕便  
初能脫病患久必成神仙  
禦寇馭冷風赤松游紫烟  
常疑此說謬今乃知其然  
我年過半百氣衰神不全  
已垂兩鬢絲難補三丹田  
但減葷血味稍結清淨緣  
脫巾且修養聊以終天年

仲夏齋居偶題八韻寄微之及崔湖州

腥血與葷蔬傳來一月餘  
肌膚雖瘦損方寸任清虛  
体道通宵坐頭慵隔日梳  
眼前無俗物身外即僧居  
水榭風來遠松廊雨過初  
寒簾放巢燕投食施池魚

久別閑遊伴頻勞問疾書不知湖與越吏隱興何如

河南府試五月樂辭

李賀

雕玉押簾上輕縠籠虛門并汲鈔華水扇織鴛鴦文  
迴雪舞涼殿甘露洗宮綠羅袖從徊翔香汗沾寶粟

今詩

五月

五月十日雨中飲

梅聖俞

梅天下梅雨綏如亂絲梅生獨抱愁四顧無與期  
妻孥解我意草陳酒卮檻外百竿竹新筍高過之  
竹色入我酒變作青瑠璃一飲眼光再飲言語遲  
三飲頽然兀左右歎我衰有鳥從東來引頭開深枝

歌聲醒我醉提壺美無疑典衣不直錢唯是布與絺  
安得如古人車傍挂鷓夷

五月十一日

張文潛

雲間趙盾益可畏淵底武侯方熟眠君無一雨為施  
澤直恐三伏便欲燃箕筒沽酒有底急束帶坐曹真  
欲顛平生解熱客日復飽食窺陳編

五月十五日

蘇子美

院僻簾深晝景虛輕風時見動竿烏池中綠滿魚留  
子庭下陰多燕引鷓雨後看兒爭墜果天晴因客曝  
殘書幽棲未免牽塵事身世相忘在酒壺

五月十日

張文潛

長夏村墟風日清，茅簷燕雀已生成。  
蝶衣晒粉花枝午，蛛網添絲屋角晴。  
落珠簾、邀月影，嘈虎枕、納溪聲。  
久判兩鬢如霜雪，直與漁樵過此生。

大雨不止五月十八日晚始霽

吳宮忽梅蝸淫雨霽，今夕峯嶺紆紫翠。  
雲人麗金碧，深畦鳴遠注。  
涼葉墜餘滴，漏屋百不憂。  
宵眠始安席，五月十九日

堂下溪流清且長，夾溪喬木老蒼蒼。  
裊風翠果辭枝重，照水圓荷舞葉涼。  
蝸角已枯沾粉壁，燕泥時落污書床。  
南山野客時相遇，贈我能携葯滿筐。

古詩

六月

六月二日夜聞蟬

白居易

荷香清露墜，柳動好風生。  
微月初三夜，新蟬乍聞愁。  
北客靜聽憶東京，我有竹林宅，別來不知池上月，誰撥小舡行。

奉和六月壬午應令

梁劉

玄圃棲金瑟，靈澗抱琨瑶。  
築山圖碣岫，穿池雷奔石。  
鯨動水閣牽牛遙，乘畜猶怯渡鞭石。  
崖崩下生窟，壁峭上干宵。  
噪鳥嘗獨沸，遊魚

臨浦空舟釵插撓，愁鷓集沾樹。  
白鷺

重丘窟微步，懷漁樵石累。  
元卿徑枝挂許



伊臣本寂默由來畏市朝為貪上山水所競唯  
寄言周伯况勞君擅穀恹

六月奉教作

李嶠

養日暫徘徊畏景尚悠哉避暑移琴席追涼  
竹風依扇動桂酒溢壺開勞  
飛雪自可

憶長安十二詠

鄭槩

憶長安六月時風臺水閣  
迤腸果雕籠香  
紫禁寒隨塵驚九衢客散赭汗滴瀝青驪

狀江南十二月每句須一物形狀

范燈

江南季夏天身熱汗如泉蚊蚋成雷澤袈

河南府試六月樂辭

李賀

裁生羅伐湘竹帔拂踈雷簟秋玉炎炎紅鏡東方開  
暈如車輪上徘徊啾々赤帝騎龍來

六月

趙璜

六月火雲散蟬聲鳴樹梢秋風豈便借客思已消條  
傾國三年別烟霞一路遙野人斷消息更上灞陵橋

今詩

六月

和隣幾六月十一日省宿書

溫公

長夏金正伏火意尤驕盈夫子寓官舍無術逃煩蒸



軒窓豁四開，滅去壁上燈。紵衣不可親，羽扇安能勝。  
濯泉：已溫撫簟：可憎萬葉悄，無風但有飛蚊鳴。  
六府燥不濡，喉舌烟塵生。攝衣起徐步，回顧天正晴。  
雲漢淺欲涸，箕畢徒縱橫。忽思終南巔，秀出秦雲清。  
上有長松林，蔽日深杳冥。下有萬仞壑，含蓄太古冰。  
安得躡輕屐，杖策緣崢嶸。桂冠芙蓉潤，結屋高崕。  
回視萬鍾祿，影撇如飛蠅。

六月十三日病起走筆寄仇池

黃門

入伏氣節變，倏然如九秋。牆上有短樹，庭下風颼。  
風來吹我衣，蚩蚩各已收。移床就堂下，仰見月成鉤。

但與支體快，不作府藏謀。半夜起寒熱，展轉脫水齰。  
藥劑失先後，欲速返見留。不免召楊子，把臂揣厥由。  
笑我冷治冷，徒尔苦舌喉。授我桂與姜，迺始與病投。  
逾旬不出戶，映牖披重裘。遙聞南山下，不與他土侔。  
山寒雪不解，清氣晝夜浮。餘冷入市城，煩熱遭濯漱。  
况迺郡齋靜，滿地貯清流。露濕荷葉淨，月上松柏幽。  
墻頭白楊樹，秋聲無時休。夜蛭感寒氣，上樹鳴啾啾。  
野鶴弄池水，落拍翅翮。此處雖可愛，慎勿恣意遊。  
凡人愛涼冷，涼冷乃熱仇。試掃北窓下，靜卧却所憂。  
屏扇去冰雪，屋室風日油。歲熱強目厚，良藥彼有不。

六月十八日大暑

溫公



老柳凋蟾噪荒庭熠燿流人情正苦暑物態已驚秋  
月下濯寒水風前梳白頭如何夜半客東帶謁公侯

夏六月十九日

葉皆暗榴花一枝灼

然獨明感之為賦

黃魯直

季夏百果發兔葵亦成實獨有野石榴幽花時熠燿  
燿非獨好芳榮恃午日翩彼百蝶髣髴相採挹  
睡餘起對此佳興亦消瑟元非阡陌麗敢競陽春出  
無言以成蹊上愧桃李質幸當飽霜雪萬顆富君室

六月晦日定力院同原父賦送伯鎮景

統樞言三學士

梅聖俞

清秋三黃鵠牽翼東南飛鳴聲既相呼煙水示相依

蓬池不暫止太液未言歸酌酒望滄海飄飄思菊衣

新刊古今歲時雜詠卷第四十四





新刊古今歲時雜詠卷第四十五

古詩

七月

七月一日作

白居易

七月一日天秋生履道里閑居見清景高興從此始  
林間暑雨歇池上涼風起橋竹碧鮮鮮岸莎青  
蒼然古盤石清淺平流水何言中門前便是深山裏  
雙僮侍坐卧一杖扶行止飢聞麻粥香渴覓雲湯美  
胡麻粥平生所好物今日多在此外更何悲市朝  
雲母湯心已矣

酬樂天七月一日夜即事見寄



劉禹錫

庭樹風韻清  
天河雲彩輕  
故苑多露草  
隔城聞鶴鳴  
搖落從此始  
別離含遠情  
聞君當是夕  
倚瑟吟商聲  
外物豈不足  
中懷向誰傾  
秋來念歸去  
同聽嵩陽笙

七月一日晚入太行山 李賀

一夕遶山秋  
香露溼蒙渌  
新橋倚雲阪  
候蟲嘶露扑  
洛南今已遠  
越衾誰為熟  
石氣何淒淒  
老莎如短鋸

七月二日亭午已後校熱退晚加小涼穩  
睡有詩因論壯年樂事戲呈二十一曹長

杜甫

今茲商用事餘熱亦已末衰年旅炎方生意從此活

亭午減汗流  
北流奈人聒  
晚風爽鳥匿  
筋力蘇催折  
閉目踰十旬  
大江不止渴  
退藏恨雨師  
健步聞旱魃  
園蔬抱金玉  
無以供採掇  
密雲雖聚散  
徂暑終衰歇  
前聖慎焚巫  
武王親救暍  
陰陽相主客  
時序遞迴轉  
洒落唯清秋  
昏霾一空闊  
蕭蕭紫塞鴈  
南向欲行別  
歎思紅顏日  
霜露凍塔闢  
胡馬挾彫弓  
鳴絃不虛發  
長鉞逐狡兔  
突羽當滿月  
惆悵白頭吟  
蕭迢遊俠窟  
臨軒望山閣  
縹緲安可越  
高人鍊丹砂  
未念將朽骨  
少壯跡頗踈  
歡樂曾倏忽  
杖藜風塵際  
老醜難剪拂  
吾子得神仙  
本是池中物  
賤夫美一睡  
煩促嬰詞筆

七月念八與王鄭二君聽雨後夢作



李商隐

初夢龍宮寶燭燃瑞霞晴麗滿晴天旋成醉倚蓬萊  
樹有箇仙人拍我肩少頃遠聞吹細管聞聲不見隔  
飛烟逡巡又過瀟湘雨雨打湘靈五十絃瞥見馮夷  
殊悵望鮫綃休賣海為田亦逢毛女無慘極龍伯孽  
將華岳蓮恍惚無疑明又暗低迷不已斷還連竟來  
正是平塔雨未背寒燈枕手眠

七月二十九日崇讓宅讌作

露如微霰下前池月過迴塘萬竹悲浮世本來多聚  
散紅葉何事亦離披悠揚歸夢唯燈見灑落生涯獨  
酒知豈到白頭長祇爾嵩陽松雪有心期

雜詩

張景陽

大火流坤維白日馳西陸浮陽映翠林迴飈肩綠竹  
飛雨洒朝蘭輕露栖叢菊龍蟄暄氣凝天高萬物肅  
弱條不重結芳蕤豈再馥人生瀛海內忽如鳥過目  
川上之歎逝前脩以自勗

憶長安十二詠

陳允初

憶長安七月時槐花散點罌罌七夕針樓競出中元  
香供初移綉轂金鞍無限遊人處歸遲

狀江南十二月每句須一物形狀

鄭槩

江南孟秋天稻花白如瓊素腕慙新藕殘粧妬晚蓮

七月流火

敬括

前逢一葉下言念忽悲秋  
變節金初至分寒火正流  
氣含良夜早光拂夏雲收  
助月微明散沁河麗景浮  
禮標時令美詩興國風幽  
自此觀邪正深知王業休

河南府試七月樂辭

李賀

星依雲渚冷露滴盤中  
圓好花生木末衰蕙愁空園  
夜天如玉砌池葉極青錢  
僅厭舞衫薄稍知花簞寒  
曉風何拂北斗光闌干

十二月閏情七月詩

袁暉

七月坐涼宵金波滿麗譙  
容華芳意改枕席怨情饒  
錦字沾愁淚羅裙緩細膏  
不如銀漢女歲歲鵲成橋

今詩

七月

七月一日出城舟中苦熱 東坡

涼飈呼不來流汗方被体  
稀星作明滅暗水光彌  
香風過蓮芡驚枕裂魴鯉  
欠伸宿酒餘起坐濯清泚  
火雲勢方壯未受月露洗  
身微欲安適坐待東方啓

七月五日二首

避謗詩尋醫畏病酒入務  
蕭條北窓下長日誰與度  
今年苦炎熱草木困薰煮  
况我早衰人幽居氣如縷  
秋來有佳興秫稻已含露  
還復此微吟往和槽床注  
何處覓新秋蕭然北臺上  
秋來未云幾風日已清亮雲



間聳孤翠林表浮遠漲新棗漸堪剥晚瓜猶可餉西  
風送落日萬竅含淒悵念當急行樂白髮不如放

七月六日二首

雨洗秋城碧玉天暮雲吹盡月娟娟寂寥誰是清宵  
伴只有姮娥最可怜

山川搖落鴈南飛想見橫汾鼓吹時得意刘郎猶嘆  
老蕭條宋玉故應悲

七月十日雨餘炎暑頓解有感成篇

空山風雨夕微雨淒房櫳徂年兆搖落感嘆白髮翁  
謫居困炊玉無田願年豐欲持一盃酒傍舍慶老農烈  
日辭紈扇高林墜晚風青燈夜齋靜不睡獨聞蛩

七月二十一日夜聞韓玉汝宿城北馬

鋪

梅聖俞

暗樹秋風擺葉鳴桃枝竹簟冷如清孤燈淡々短亭  
客半夜蕭々聞雨聲

七月二十六日題南禪院壁二首

乞食高僧午未歸秋庭葉落日輝々蕭條古殿松陰  
下簷鐸風中乳鶴飛

秋林葉落已班々秋日當庭尚掩關掃榻晝眠聽鳥  
語可憐身世此時間

又三絕

樓殿沉沉鏤夜烟秋燈一點佛龕前梧桐葉上三更

雨○只有幽人獨未眠○

白髮荊州嘆滯淫

望惟有秋雲尽日陰

零落東城官樹秋行人一去路悠々祇應樓下邯鄲

道亦有佳人對此愁

重擣洛陽砧遣愁莫上高樓

七月二十七日

客鴈歸何處寒蛩鳴不休兼之清夜永副以長年愁  
家令有移帶中郎餘白頭此懷誠自感何賴怨高秋

七月二十八日

秋物向搖落客心真悄然高風已涼夜淡月始晴天  
拂幌單練怯凝塵故扇捐露華休早滴羈鵠不曾眠

古詩

八月

八月三日夜作

白居易

露白月微明天涼景物清  
草頭珠顆冷樓閣玉鉤生  
氣爽衣裳健風微砧杵鳴  
夜衾香有思秋簟冷無情  
夢短眠頻竟宵長起暫行  
燭凝臨曉影蟲怨欲寒聲  
槿老花先盡蓮凋子始成  
四時無了日用何嘆衰榮

八月二十九日宿懷

趙瑕

秋天晴日菊遺香獨坐書齋思已長  
無奈風光易流轉強須傾酒一盃觴

八月奉教作

李嶠



黃葉秋風起蒼葭曉露團鶴鳴初警候鴈上欲凌寒  
月鏡如開匣雲纓似綴冠清樽對是序高宴有餘歡

憶長安十二詠

呂渭

憶長安八月時闕下天高舊儀衣冠共頒金鏡屏象  
對舞丹墀更愛終南灞上可憐秋草碧滋

狀江南十二月每句須一物形狀

沈仲昌

江南仲秋天鱣鼻大如船雷是憚亭浪苔為界石錢

仲秋夜郡內西亭對月

張登

天高月滿影悠悠一夜炎荒併覓秋氣與露清凝衆  
草色如霜白怯輕裘高臨華宇還知隙靜映長江不

共流 直西傾河漢曙遺風猶想風昌樓

河南府試八月樂辭

李賀

嬾妾怨長夜獨客夢歸家傍簷虫緝絲向壁燈垂花  
簷外月光吐簾中樹影斜悠悠飛露姿點綴池中華

八月上峽

李頻

萬里巴江水秋來漏峽流亂山無陸路行客在孤舟  
洶、灘聲急冥、樹色愁免為三不吊已白一生頭

今詩

八月

八月一日涼如十月

張文潛

已過三伏暑初歸風景誰知遽慘悽短日旅愁消美

酒五更鄉夢託晨雞  
江天水冷魚龍蟄  
野澤風多鴈鴈稀  
塵篋故裘猶得在  
御冬偶免歎無衣

八月二日

東溪先生

高田種小麥終久不成穗  
男兒在他鄉那得不憔悴

八月三日詠原甫庭前林檎花

梅聖俞

秋蟲無完葉踈叢有瘁莖  
偶來庭樹下重看露葩榮  
衆自守常理獨開偏見情  
從今數霜月結子尚能成

八月五日夜省直

溫公

大火已西落溫風猶襲人  
留連惜紈扇散誕脫紗巾  
蟾影夜色淺蛩聲秋意新  
圖書足自適何物更關身

八月七日夜省直喜

悵望中秋月於今已上簾  
明生圭樣小影露桂華偏  
幽思邈難志浮雲去不還  
何當出陰翳清澈照中天

八月十日清溪對月

浮休居士

客路三湘遠天風八月清  
雲間雖掩映水底已分明  
且對當年影休吟萬古情  
喜君方向滿照我數江城

八月十日夜看月有懷崔度賢良

東坡

宛丘先生自不飽更笑老崔窮  
百巧一更相過三更歸古柏  
陰中看參昴去年奉君首宿盤  
夜傾闔酒赤如丹今年還看去  
年月露冷遙知范叔寒與衣自種





一頃豆那知積雪生科斗歸來四壁草虫鳴不如玉  
江長飲酒

八月十三日晨興三首

老人秋少睡禪誦每晨興  
嶰春殘月牀蛩語暗燈  
高林鳥聲起幽草露華凝  
筇杖兼禪榻生涯一老僧  
端居歲已晏杖履益蕭然  
雲露忘前月秋明樹外天  
大江寒欲落諸嶺晚逾鮮  
白首無聊劇昏只醉眠  
江上秋陰合柯山曉雨來  
貂裘欲辭篋紈扇已生埃  
落葉濕相藉晚前寒未開  
殷勤探黃菊九月泛清盃

八月十七日夜省直紀事呈同舍

溫公

窮秋直省舍大雨吁可畏九河翻曾空入夜愈恣睢  
置床東壁根時有塗墜墜颯、勢將摧怵惕不成寐  
中宵抱衾立呼燭久方至徙之近西偏惆悵不能備  
飛蚊胡不仁忍此加啄噬避煩只深藏悒、面蒙被  
須臾漏轉劇枕褥亦沾漬雖起欲何之室中無燥地  
展轉遂達旦耿耿負憂悸因思閭井民餬口抑孰伎  
束手已連旬妻兒日憔悴囊錢與盡米薪木同時匱  
敗衣不足準博手坐相視予今華已多敢不自知愧  
無謀忝肉食念爾但增歎

古詩

九月



九月一日過孟十二倉曹十四主簿兄弟

杜甫

藜杖侵寒露蓬門啓曙烟力稀經樹歇老困撥書眠  
秋竟追隨盡來因孝友偏清談見滋味爾輩可忘年

奉酬宣上人九月十五日夜東亭望月

見贈因懷紫閣舊遊

鄭綯

中年偶逐鴈鴻侶弱歲多從麋鹿羣紫閣道流今不  
見紅樓禪客早曾聞松齋月朗雲初散苔砌霜繁夜  
欲分一覽綵牋佳句滿何人更詠惠休文

九月十五日夜宿鄭尚書相公東亭望

月寄杜給事

廣宣

霜天晴夜宿東齋松竹交陰愜素懷迴出風塵心得  
地可憐三五月當階清光滿院恩情見寒色臨門笑  
語諧霄漢路殊從道合徃來人事不相乘

九月十八日賜百寮追賞因書所懷

德宗

雨霽霜氣肅天高雲日明繁林已墜葉寒菊仍舒榮  
懿此秋節時更延追賞情池臺列廣宴絲竹傳新聲  
至樂非外獎浹歡同中誠庶敦朝野意永使風化清

大曆二年九月三十日

杜甫

為客無時了悲秋向夕終瘴餘夔子國霜薄楚王宮  
草敵虛嵐翠花禁冷葉紅年小搖落不與故園同



九月奉教作

李嶠

曲池朝下鴈幽砌夕吟蛩葉逐蘭芳盡花潭菊氣濃  
寒催四序律霜度九秋鍾還當明夜月飛蓋遠相從

憶長安十二詠

范燈

憶長安九月時登高望昆池上苑初開露菊芳林正  
猷霜梨更想千門萬戶明月砧杵參差

狀江南十二月每句須一物形狀

劉蕃

江南季秋天栗

大如拳楓葉紅霞舉蘆花白浪川

賦得九月盡

元稹

霜降三旬後  
莫餘一葉秋  
玄陰迎落日  
涼魄盡殘鈎

半夜灰移琯明朝帝御裘  
潘安過今夕休詠賦中愁

河南府試九月樂辭

李賀

離宮散螢天似水竹黃池冷芙蓉死  
月綴金鋪光脉脉涼苑虛庭空  
淡白露花飛風草翠錦爛班滿  
層道雞人唱罷曉瓏臆鷗啼金井下  
踈桐

今詩

九月

九月一日

去歲南陽并謝公  
別今謝公已沒

梅聖俞

授衣念祖節闔棺傷故人  
故人昔送我把酒湍水濱  
只道後期易豈知無會因  
死生意不及欲語鼻先辛  
既乏羨門術安得如松筠  
寒暑更數十病亦同埃塵



九月五日得姑蘇謝李士寄木蘭堂官醞  
公田五十畝種秫秋未成杯中無濁酒案上唯丹經  
忽有洞庭客美傳烏弁程言盛木蘭露釀作雍瓦間  
清木蘭香未歇玉盞貯華夷正值菊初坼便來花下  
傾一飲為君醉誰能解吾醒吾醒且不解百日毛骨輕  
九月十四日東府雨中作示子由

東坡

庭下梧桐樹三年三見汝前年適汝陰見汝鳴秋雨  
去年秋雨時我自廣陵歸今年中山去白首歸無期  
客去莫嘆息主人亦是客對床定悠悠夜雨今蕭瑟  
起折梧桐枝贈我西北行歸來強健否莫忘此時情

九月二十日微雪懷子由弟二首

岐陽九月天微雪已作蕭條歲暮心短日送寒砧杵  
急冷官無事屋廬深愁腸別後能消酒白髮愁來已  
上簪近買貂裘堪出塞忽思乘傳問西琛  
江上同舟詩滿篋鄭西分馬涕垂膺未成報國慙書  
劍豈不懷歸思友朋官舍度秋籛歲晚寺樓觀雪與  
誰登遙知讀易東窓下車馬敲門定不應

次韻仇池九月二十日微雪見寄二首

秋氣蕭騷仍見雪客愁繚繞動縈心幽吟北戶窓聲  
細歸夢函關馬迹深疎樹飛花輕軟衰荷留柄亂  
簪遙聞詩酒皆推勝杜客何人近納琛



平時出處常聯杖文翰叨陪舊服膺自信老兄怜弱  
弟豈關天下少良朋何時盃酒看浮白清夜霜柑釘  
滿登離思隔年詩不盡秦梁雖遠速須應

九月二十四日雪

梅聖俞

秋露未為霜秋空已飛雪著樹增葉危。壓叢憂菊折。  
平明開戶看斗杓。頽簷潔。天時莫倉猝誰預衣裘設

九月二十四日大風

秋飈無蹤跡空中聲奔馳枯葉固已驗老病仍先知  
驚沙入破隙危葉墮綠枝幽懷聒不寐山岳將恐移

九月二十七日見梅花

江南風土暖九月見梅花遠客思邊草孤根暗磧沙

何曾逢寄驛空自聽吹笳今日樽前勝其如秋髮華

九月二十八日牡丹

香包已向青春發又見秋深特地開應笑菊殘無意  
思不能邀賦洛陽才

九月晦日謁韓子華遂留邀江隣幾同飲  
是夕值其內宿不終席明日有詩予次其韻

乘興驅車偶一來旋呼江老舊遊陪驚風送雨寒初  
動奉酒浮蛆撥不開騏驎韜時聞內宿琵琶彈急怨  
虛催接羅帶去令傳樣自此逢歡未便迴

九月末大風一夕遂寒安置火炉有感首

張文潛

謫官兩向黃州火知見明年何處冬須信炎涼相代  
至亦知榮辱到頭空怨咨莫起天公念燕坐何妨佛  
理通更有墻邊一樽酒能於愁面放春紅  
風聲一夜下林端遽作霜天十月寒三伏炎蒸不可  
過北風凜冽亦何難人情伺待常宜緩天令推移古  
不刊幸有布裘羶履在雪深高卧更安閑

九月末風雨初寒二首

粟冽已戒候陰淡連朝昏出門無所詣幽齋誰與言  
塵埃羣書積興至時一翻呼兒具梨栗時亦賴芳樽老肌  
畏寒苦幸此手足溫窓間有舊筆得句時復援  
愛此庭下菊蕭々何及時郊原一秋曠麥種待榮滋

今年真有秋禾菽實累々老農笑謂子不復憫汝飢  
桑榆可折新北風日夜吹晴明理置繳雉兔日已肥



新刊古今歲時雜詠卷第四十六

古詩

十月

十月九日題雲夢亭

薄煙如夢雲如塵  
霜景晴來却勝春  
好住地西紅葉  
樹明年今日伴何人

十月戊寅

梁簡文

喧塵是時息靜坐對重巒  
冬深柳條落雪後桂枝殘

星明霧色靜天白鴈行單  
雲飛乍想閣水皓遠疑紈

晚橘隱重屏枯藤帶迥竿  
岳陰連水氣山峯添月寒

代孟冬寒氣至

劉鑠



白露秋風始秋風明月初明月照高樓露落皎玄除  
迨及涼雲舉行見寒林疎客從遠方至贈我千里書  
先叙懷舊愛末陳久離居一章意下盡三幅情有餘  
願遂平生春無使甘言虛

十月奉教作

李嶠

白藏初送節玄律始迎冬林枯黃葉盡水耗綠池空  
霜帶臨庭月寒隨入牖風別有歡娛地歌舞應絲桐

十二月樂遊詩十月

郭元振

十月嚴陰盛霜氛下玉臺羅衣著自解綺帳待君開  
銀箭更籌緩金爐香氣來愁仍夜未幾已始炭成灰

孟冬

杜甫

殊俗還多事方冬變所為破柑霜落瓜嘗稻雪翻匙  
巫岫寒都薄烏沙瘴遠隨終然減灘瀨暫喜息蛟螭

同羣公十月朝宴李太守宅

高適

良牧徵高賞褰帷問老槃歲時當正月甲子入初寒  
已聽甘棠頌欣陪昔酒歡仍怜門下客不作布衣看

憶長安十二詠

樊珣

憶長安十月時華清士馬相馳萬國來朝漢闕五陵  
共臘秦祠晝夜歌鍾不歇山河四塞京師

狀江南十二月每句須一物形狀

謝良輔





江南孟冬天，荻穗軟如綿。綠綃芭蕉裂，黃金橘柚懸。

孟冬蒲津閔河庭作

呂溫

息駕非窮途，未濟豈迷津。獨立大河上，北風來吹人。雪霜自茲始，草木當更新。嚴冬不肅殺，何以見陽春。

河南府試十月樂辭

李賀

玉壺銀箭稍難傾，缸花夜笑凝幽明。碎霜斜舞上羅幕，燭龍兩行照飛閣。珠帷怨卧不成眠，金鳳刺衣著體寒。長眉對月聞鸞環。

今詩

十月

十月五日見菊上蜂

梅聖俞

黃蜂得晴日，不道菊開稀。向盡晚寒起，落叢無力飛。輕、難自奔帖、一何微。莫問巢房處，斜陽奈欲歸。

十月十二日夜務宿寄內

張文潛

寒夜欺老人，展轉睡不足。長年怕為客，况此空齋宿。嗚、度雲鴈，瑟、受霜竹。凍散冷如植，不覓重裘燠。天明起冠櫛，淡日初照屋。寄聲家具酒，買魚烹鴈鶩。十月十四日以病在告獨酌

東坡

翠栢不知秋，空庭失搖落。幽人得佳蔭，露生初獨酌。月華稍澄穆，霧氣尤清薄。小兒亦何知，相語翁正樂。銅爐燒栢子，石鼎煮山藥。一盃賞月露，萬象紛酬酢。

此生獨何幸風纜欣初泊誓逃顏石細行赴松喬約  
莫嫌風月待謾欲戲寥廓冷然心境空髣髴來笙鶴

十月十五日早飯清都觀逍遙堂

黃魯直

心游魏闕魚千里夢覓邯鄲黍一炊蔬食菜羹吾亦  
飽逍遙堂下葉辭枝

十月十六日記所見

東坡

風高月暗雲水黃淮陰夜發朝山陽山陽曉霧如細  
雨烟初日寒無光雲收霧卷已亭午有風北來寒  
欲僵忽驚飛電穿戶牖迅駛不復容遮防市人顛倒  
百賈亂疾雷一聲如頽墻使君來呼晚置酒定坐已

復日照廊恍疑所見皆夢寐百種變怪旋消亡共言  
蛟龍厭舊穴魚鼈隨徙空陂塘愚儒無知守章句論  
說黑白推何詳惟有主人言可用天寒欲雪飲此觴

十月十八日

梅聖俞

霜梧葉盡枝影踈井上青絲轉轆轤兩廂舞娥艷如  
玉東楯貴郎才且都纏頭誰惜萬錢錦映耳自有明  
月珠一為轆轤情不已一為梧桐心不枯此心此情  
日相近卷起飛泉注玉壺

古詩

十一月

十一月中旬至扶風界見梅花

李商隐

匝路亭亭艷非時  
哀香素娥唯與月  
青女不饒霜  
贈遠虛盈手傷離  
道斷腸為誰成早  
秀不待作年芳

十一月奉教作

李嶠

凝陰結暮序嚴氣肅  
長飈霜犯狐裘夕  
寒侵獸火朝  
水深遙架浦雪凍  
近封條平原已縱  
獵日暮整還鑣

憶長安十二詠

刘蕃

憶長安子月時千官  
賀至丹墀御苑雪  
開瓊樹龍堂  
冰作瑤池獸炭氈  
廬正好貂裘狐白  
相宜

狀江南十一月每句  
須一物形狀

吕渭

江南仲冬天紫蔗節  
如鞭海將鹽作雪山  
用火耕田

河南府試十一月樂辭

李子賀

官城團迴凜嚴光  
白天碎碎墮瓊芳  
搗鍾高飲十日酒  
却趁凝寒作君壽  
御溝泉合如環素  
火井漁水在何處

今詩

十一月

和十一月八日圃人  
獻小桃花二絕

梅聖俞

常時開向杏花後  
今日綻當梅萼前  
不畏雪霜何太  
甚繁英如火滿枝  
燃  
前占寒食一百六  
筭到其時未合開  
丹艷已先灰管



動不由人力與栽培

和十一月十二日與諸君登西園亭榭懷舊二首

冬日蕭條公府清獨將諸吏上高城而今何處異疇  
昔鐵墓下聞狐夜鳴  
莎徑依然見莎葉蓮塘無復有蓮花更看白水滿城  
下說着當時龍骨車

十一月十三日病後始入倉

曾非雀與鼠何彼太倉為狐裘破不溫黃狗補其皮  
霜花逐落月纓在枯槁枝予年過五十瘦寢冰生肌

十一月十七日

寒更催欲尽曙色轉雞吭鳴鴈背晚斗清霜凝夜霜空

山歲華晚故園歸夢長晨起臨清鏡悲嗟髮已蒼

寒著添綿衲朝晡折足鐺無言病居士面壁老胡僧佛

祖豈欺我乾坤終有憑窮年無一事高卧醉騰騰

山與晴天晚江連夕照紅高鴻知夜渚喬木要霜風買

酒缸須滿温炉火屢供窮通定何物隨意樂衰翁

三盃無奈酒一褐有餘温眼下幸無事世間何足論山

僧元飽飯詞客謾招魂杖策知何詣門前老圃村

小霧今晨重山川不復分自然無日色那更挾霜零鳥

鳥依寒寂漁樵散暝昏一杯聊慰疾令我憶帝君

古詩

十二月



十二月一日 三首

杜甫

今朝臘月春意動雲安縣前江可憐一聲何處送書  
鴈百丈誰家上水船未將梅蕊驚愁眼要取楸花媚  
遠天明光起草人所羨肺病幾時朝日邊  
寒輕市上山烟碧日滿樓前江霧黃負鹽出井此谿  
女打鼓發船何郡郎新亭奉日風景切茂陵著書消  
渴長春花不愁不爛漫楚客唯聽棹相將  
即看燕子入山扉豈有黃鶯歷翠微短、桃花臨水  
岸輕、柳絮點人衣春來准擬開懷以老去親知見  
面稀他日一杯難強進重嗟筋力故山違

答崔賓客晦叔十二月四日見寄

今歲日餘一十六來歲年高六十二尚不能憂眼下  
身因何更算人間事居士忘筌默、坐先生枕麴昏  
昏睡早晚相從歸醉鄉醉鄉去此無多地

白居易

庚子臘月五日

司空圖

復道朝廷火嚴城夜漲塵驂騶思故第鸚鵡失佳人  
禁漏虛傳點妖星不振辰何當迴萬乘重覩玉只春  
臘月八日於郟縣石城寺禮拜

孟浩然

石壁開金像香山遶鐵圍下生弥勒佛四向一心歸  
竹栢禪庭古樓臺世界稀夕嵐增氣色餘照發光輝



講席邀談柄泉堂施浴衣願從功德水從此濯塵機

十二月十九日酬王十八全素

元稹

君念世上川嗟子老瘴天那堪十日內又長白頭年

憶長安十二詠

謝良輔

憶長安臘月時溫泉綵仗初移瑞氣遙迎鳳輦日光  
先煖龍池取酒蝦蟇陵下家家守歲傳卮

狀江南十二月每句須一物形狀

丘丹

江南季冬天紅蟬大如偏湖水龍為鏡鑪峯氣作烟

十二月奉教作

李嶠

玉燭年行盡銅史漏猶長池冷凝宵凍庭寒積曙霜  
蘭心未動色梅含欲館芳徘徊臨歲晚顧步行春光

河南府試十二月樂辭

李賀

日脚澹光紅洒洒薄霜不銷桂林下依稀和氣解冬  
嚴已就長日辭長夜

臘後歲前遇景詠意

白居易

海梅半白柳微黃凍水初融日欲長度臘都無苦霜  
霰迎春先有好風光郡中起晚聽衙鼓城上行慵倚  
女墻公事漸閑身且健使君殊不厭餘杭

十二月拜起居表迴

許渾

一章西奏拜仙曹迴馬天涯北望勞寒水欲春冰彩



薄曉山初霽雪峯高樓形向日橫飛鳳宮勢凌波豎  
拈釐牢鎖烟霞絕巡幸周人誰識鬱金袍  
今詩

十二月

十二月十一日早苦寒與家婦酌酒因成  
古風

張文潛

寒夜不可旦老鷄鳴苦遲晨興出戶視風折山樹枝  
最愛堂東梅冽寒亦弄姿夜來月中影窺我讀書帷  
中庭石井欄晨汲氣如炊今日復何事環珮照冰澌  
甃甃有芳醇庖舍具鮮肥地爐熾新炭三酌對山妻  
十二月十三日喜雪  
梅聖俞

三日朔風吹暗沙蛟龍卷起噴成花  
飛万里奪曉月白石爛堆愁女蝸大明廣庭踏朝賀雉尾不掃粘  
宮靴宮中才人承聖顏捧觴稱壽呼南山三公免責  
百姓喜十酒十十誰復慳

十三日雪後晚過天漢橋堤上行

堤上殘風雪橋邊盛酒樓據鞍衰意足倚檻艷歌留  
海月開金鑑河冰卧玉虬當年洛陽醉偏憶董糟丘

和十二月十七日雪

窮冬勁臆已過半曉雪先春何處來豈是全資南畝  
麥多應不分北枝梅庭中未許野童埽林上惟愁狂  
吹催莫問兔園同賦客相如居右最為才



十二月十八日會飲園夫畝桃花二首

宋景公

今歲臘未破明年春尚餘天教摧朔氣先作塞南花  
晚秀尚可惜早開莫謂奇君看早開處定是向南枝

己卯十二月二十九日感事

張文潛

高樓乘興獨登臨搔首天涯歲暮心帶雪臘風藏澤  
國犯寒春色着烟林山川極日風光異歲月驚懷老  
境侵可是斯文天遂喪楚囚何事涕沾襟  
嗟蹤流落已華顛又見蠻荆一歲迂人怯苦寒愁短  
日天收殘雪放新年園林寂歷飄梅後里巷經過守

歲前自料知非猶得在潛心久幸衛蘧先

臘月下句偶作三首

啄塊飢禽傍短籬飛鳶一笑起高枝君看草木冰霜  
裏却是冬風欲到時

風折蕪葭冰結澌燕鴻相語定歸期淮南水闊山長  
處少待燕山霰雪歸

歲暮烟霜澤國寒晚鴉鳴處是柯山地炉有火樽餘  
酒自起焚香深掩闌

殘臘

文忠公

臘雪初銷上古臺桑郊向日綵旗開山橫南陌城中  
見春逐東風海上來老去每驚新歲換病多能使壯





心摧自嗟空有東陽瘦。覓物慙無八詠才。

殘臘獨出二首

東坡

幽尋本無事，獨徃意自長。釣魚豐樂橋，採花逍遙堂。羅  
浮春欲動，雲日有清光。野梅花家，臘酒香路  
逢眇道士，疑是左元方。我欲從之語，恐復化為羊。  
江邊有微行，詰曲背城市。平湖春草合，步到栖禪寺。堂  
空不見人，老稚掩門睡。所營在一食，食已寧復事。客  
來豈無得，施子淨埽地。風松獨不靜，逐我作鼓吹。

殘臘

東溪先生

逼老夏添歲，居貧憚製衣。各妻怜酒嫩，饒稚幸豚肥。  
俗累隨年尽，春光趁臘歸。莫嫌花未發，明哲玩先幾。





中国国家图书馆  
NATIONAL LIBRARY OF CHINA